



MT




John Carter Brown.

BENAVIDES (Adm. R. P. F. A. de)—Relatio quam Philippo IV. per modum memorialis, exhibit Rev. P. F. J. de Santander, Per Manus Ad. R. P. F. A. de Benaerdes custodis Provinerae et Couversionis Novi Mexico, 12mo, *fine clean copy.*


Salisburgi, 1634


This rare and interesting relation of Benavides contains an account of each of the Nations or Triles of Moxico. I have never seen a second copy of this work.



Dr. Peter A. Howe

Waggon No. 33c





RELATIO.

Quam

PHILIPPO IV. CATHOLICO HISPANIARUM,
&c. REGI, per modum memorialis, sive Libelli
supplicis exhibuit Reverendiss. P. F. IOANNES
DE SANTANDER, Ord. Fratrum Minorum,
Commissarius Generalis
Indiarum.

Per manus

Ad. m. R. P. F. ALPHONSI DE BENAVIDES,
eiusdem Ordinis, Custodis Provinciae
& Conversionis Novi Mexico,
nec non Sanctae Inquisitionis
Commissarii.

*In qua agitur de magnis Thesauris spiritalibus
& temporalibus, Deo inspirante & adjuvante,
inibi detectis.*

OPERA

FRATRUM MINORUM, ORD. SERAPHICI P. N. S. FRANCISCI.

*Impressa cum Approbatione, Hispanice
Madrیتی in Typographia Regia, An. 1630.
Latinè verò*

Cum Facultate Superiorum.

SALISBURGI, Typis Christophori Katzenbergeri,
Typographi Aulici & Academici,
Anno M. D. C. XXXIV.

THE
LIBRARY OF THE
MUSEUM OF NATURAL HISTORY
NEW YORK

1891

RECEIVED

1891

P A R T I

ARCHAEOLOGICAL

EXHIBITION

1891

NEW YORK

1891

NEW YORK

1891

NEW YORK

1891

NEW YORK

1891

NEW YORK

1891

NEW YORK

1891

NEW YORK

1891

NEW YORK

1891

NEW YORK



ILLUSTRISSIMO,

AC

REVERENDISSIMO

Domino, Domino

P A R I D I,
ARCHIEPISCOPO SA-
LISBURGENSI, APOSTO-
LICÆ SEDIS LE-
GATO,

S. R. I. PRINCIPI, &c.

Domino meo Clementissimo.

In anceps hæsi, *Illustrissime ac Reverendissime Princeps*, an hos pauculos quaterniones aude-
rem *Illustrissimæ ac Reverendissi-
mæ Vestre Celsitudini*, in aliquale devotissi-
mi mei ergà *Ipsam* animi signum, offerre:
videbatur enim munus tanto Principe

indignum, quia *exiguum*; & aliunde infinitis meis ergà *Illam* obligationibus nullatenus respondens (minùs satisfaciens quia pro majori parte, *non meum* Priorem verò scrupulum nuperrimè mihi abstulit ipsamet *Illustrissima & Reverendissima Vestr. Celsitudo*, dum dixit, ad aliud propositum munus quantumcunq̃ parvum, à sincero animo proficiscens, non posse non esse gratum. A tali hoc prodire, novit quid scrutatur renes & corda. Altero verò scrupulo meipsum liberabo: quid enim *meum* aliquando offerre potero, qui pràter peccata & misérias nihil habeo? Sed quid si & *magnum*, & *meum*, dicere liceat id quod offero? Imò quia licebit *Meum*, quia saltem superficies, qualis qualis, mea est; quod verò sub illa reconditur, *Fratrum meorum*: si itaque amicorum omnia sunt communia, multò magis Fratrum *Meum* igitur est, quod offero. *Magnum* quis dubitet? teste enim sanctissimo Patre nostro Francisco, *tanti res qualibet aestimanda est, quanti illam aestimat Deus*. Quicquid

verò

5
verò Deus majoris facit salute anima-
rum, pro quibus pretiosissimum suum
sanguinem non dubitavit effundere?
Audebo ergò asserere, æstimabilius apud
Deum esse, quod in parvo hoc libello
(quantumcunque rudi aut humili stylo)
refertur, quàm quod magnis sæpè volu-
minibus, multiplici ac phalerato sermo-
ne, ad implenda folia, conglomeratur. Si
placet mecum sentire, omnem præsum-
ptionis, sive temeritatis notam evasero,
celeberrimæ, ac celebrandæ, hujus con-
versionis narrationem *Illustrissimæ & Reve-
rendissimæ Celsitudini Vestræ* dedicando. Ne-
que alteri Ordinis nostri sacerrimi Pa-
trono, munus hoc (admisso quod ma-
gnum sit) justiori titulo deberi arbitror:
Magnum enim magna decent. Talis es, *Illu-
strissime ac Reverendissime Princeps*, in ocu-
lis meis, omniumque servorum tuorum
Fratrū Minorū, dono Dei & Tuâ Virtute.
Non poterit tamen Magnitudine Tuâ
affectus mei mensura impleri, donec re-
muneratione condignâ, tot beneficiis in

nos pauperculos collatis, illam aliquan-
do in retributione justorum à Deo im-
pletam videat.

Illustris. ac Reverend. Celsitudinis Vestrae

Humillimus in Christo Servulus

FR. JOANNES DE CRANENDONCK,
Frater Minor indignus.

PRÆ-

PRÆFATIO AD LECTOREM.

Necessariò præmittenda, pro intelligentiâ aliquorum in subjunctâ Narratione contentorum.

AUDIVI, Benigne Lector, graves Seraphici nostri Ordinis Patres, aliosq; Viros præclaros, sæpe improbantes, eorum quæ in Ecclesia Catholica, pro ejusdem dilatatione, ad Dei gloriam, per Filios S. Francisci, Fratres Minores in utroq; Hemisphærio fiunt, tam parvam haberi notitiâ; & quod, qui plerumq; in conversionibus infidelium (nominatim Indicis) fuerunt, si non soli, saltem primi, innotuerint ultimi. Hoc ipsum mihi Romæ, anno 1627. à quodam magni nominis Prelato, qui ad sacram Congregationem de propaganda fide pertinebat, in terminis fuit objectum. Idem ferè contigisset de contentis in subjunctâ narratione, nisi anno 1631. in Belgio existens, casu in illam, Hispanicè conscriptam, incidissem, occasione colloquij, quod in Conventu nostro Bruxellensi habebam cum R.^{mo} Patre F. Petro à Castro

(*Serenissimæ Infantis Isabellæ Claræ Eugeniæ, gloriosissimæ memoria, tunc temporis dignissimo Confessario*) circa personam Venerabilis Matris Ludovicæ de Ascensione sive de Carrion, Ordinis S. Claræ Religiosæ, cujus etiam aliquot annis Confessarius fuit. Postquam enim eandem Narrationem sive Relationem perlegi, memor Decreti, quod à prætacta sacra Congregatione de propaganda fide, dicto anno 1627. scripto emanarat (quo mandabatur Commissario Generali Ordinis nostri super Provincias Germanicas, Belgicas, aliasq; annexas, ut sicut alij Religiosi Ordines faciunt, & ipse deinceps curaret, successivis temporibus, de ijs quæ in materia propagandæ fidei per nostros Fratres fiunt, sacram Congregationem certiorari) rogavi prænominatum R. mum P. Petrum à Castro, permitteret, Relationē illam ex Hispanica in alias Linguas, pro gloria Dei & Ecclesiæ, transferri; quod & fecit. Igitur Originalis illa Hispanica Relatio, edita Madriti in Typographiâ Regiâ (ac consequenter præ habito consensu Sanctæ Inquisitionis:) anno 1630, Belgicoldiomate statim translata fuit,

9
imprensa Antwerpia cum Approbatione Cen-
soris Librorum, data 3. Martij, 1631. Germanicè
verò, non adeò diu post translationem Belgicam,
reddita, per R. Patrem F. Adolphum Ardol-
phum, hujus nostræ Alemanix, sive Argen-
tinenfis Provinciæ Custodem, qui anno 1632.
die 8. Januarij, ab impio milite Sueco, antea Cau-
done Wirtenbergico, crudeliter in Wirtenbergia
fuit occisus. Hujus verò translationis Germani-
cæ exemplar diu postea quasitum, reperiri non
potuit; sicq; contigit, tam celebris conversionis
notitiam seriùs in Germaniam penetrare.

Habeto igitur modò, Benigne Lector, in
paucis & parvis quaternionibus, multa & ma-
gna Dei prodigia, quæ per humilia mundoq; ab-
jecta instrumenta, Fratres scilicet Minores,
inter Barbaras & infideles Nationes, paucis ab
hinc annis, & præcipuè anno 1629. operari digna-
tus fuit Omnipotens: prout fidem faciet sub-
juncta Narratio; vel potiùs Relationis, moderno
Hispaniarum Regi antehac exhibita, Belgicèq;
reddita, quasi ad verbum (quantum phrasis pa-
tiatur) ac proinde coactò, ac tetrico stylo, facta
Translatio. Quia verò in aliquibus ejus locis,

nominatim § De Miraculosa Conversione Nationis Xumanę; mentio fit supranominata Venerabilis Matris Ludovicę de Carrion, quodq̃ ejus effigies, quam Patres habent, non sit quoad faciem similis effigiata, prout Indis illis passim apparet; informandus breviter est Lector, & de persona qualitate, & de illius dissimilitudinis causa.

Sciendum itaq̃, in quodam Monasterio Ordinis S. Clarę, sitò juxta civitatem Carrion in Hispania, Regnoque Castellę, reperiri quandam pyssimā, (ne dicam sanctā) vitę Religiosam, quę Soror Ludovica de Alcenfione nuncupatur; Hispani verò, ob ejus reverentiam pietatis, & etiam quia illius Monasterij aliquando Abbatiſſa fuit, La Madre Luisa de Carrion, imò & propter speratam ejus coram Deo sanctitatem, La santa Monja, id est, sanctam Monialem, eam appellant. Hęc in presentiarum ætatis 71. annorum, à triginta, plus minus, annis, absq̃ ullo cibo humano, solo pane Angelorum, quem indies sumit, sustentatur: singulisq̃ diebus, statim sumptā sacrā Synaxi, in extasim rapitur; quę durante, omnibus eam aspi-

aspiemibus, multò junior ac formosior esse videtur. Inter cetera autem dona gratuita, hoc à Deo jamdudum habet, ut visibili specie in locis remotissimis appareat, tam communi Ecclesie, & animarum bono, quàm particularium personarum solatio, suâ presentia consulens: quod variâ experientia, testimonijs fide dignissimis firmatâ, probatum extitit: unde vix ullus dubitationi locus, quin hæc sit illa mulier, qua infidelibus illis, de quibus præsens Historia contextitur, Evangelium prædicat, & ad inquirendos Ordinis nostri sacerrimi Religiosos, pro suscipiendo sacro Baptismate, adhortatur.

Ratio verò dissimilitudinis inter personam Indis apparentem, & ipsius Effigiem, quam Patres nostri circumferunt, hæc est: quod Effigies juxta naturalem ipsius constitutionem, & ætatem, qua inter sorores suas versatur, depicta sit: Indis autem sicut in Extasi, supernaturali Dei beneficio existit, appareat. Cum verò adhuc in viâ ad patriam, malignorum Spirituum (qui ut latrunculi iter piorum obsident) insidijs sit exposita, oret devotus Lector, ut, qua Deo grata modò esse speratur, gratior fiat perseverando in
omni

omni bono usq^{ue} in finem. Oret insuper pro Augustissimâ Domo Austriacâ, quæ sibi parem in Ecclesiâ, pro ejusdem defensione, ac dilatatione, habere non videtur. Oret pro Potentissimo Hispaniarum Rege, Philippo I V. tam nobili illius Familiæ membro; ut nomen Catholici, quod gerit, factis (prout benè cæpit) semper exprimat, ne ignominiosum illi fiat. Oret demum pro pauperculâ Fratrum Minorum, Familiâ, ut Deo fidelis, promissa servando, Seraphici sui Patris Francisci vestigijs insistent, proximi Charitate fervens, periculis & laboribus contemptis, Catholicæ Romanæ fidei propagationi, animarumq^{ue} Christi sanguine redemptarum Saluti promovendæ, indefinenter insudet. Vale.

U T ad gloriam Dei, utilitatem & ædificationem fidelium, hæc Relatio prælo mandetur, concedo.
17. Augusti, 1634.

Fr. Wolffgangus Högner,
Minister Provincialis.


Memo-

MEMORIALE SIUE
LIBELLUS SUPPLEX

R.^{mi} P. F. IOANNIS
DE SANTANDER.

Comissarij Generalis Indiarum.

DOMINE.

 GO F. Ioannes de Santander,
Ord. S. FRANCISCI Com-
missarius Generalis Indiarum:
Dico. Quod ex relatione mihi
facta per P. Alphonsum de Bena-
vides Custodem Conversionis NOVI ME-
XICO, præterito Ann. 1626. die 20.
Iunii, MAIESTATEM VESTRAM in-
formaverim, de magno incre-
mento illius Conversionis, &
defectu Religiosorum ad illam.
ulteri-

ulteriùs promovendam; quæ
 consuetudo suo (tam Catholicum
 Regem decen- te) zelo *scedula* re-
 giam sive Mandatum expediri
 præcepit, tenoris sequentis.

★ Marchioni de Cerralvo cognato,
 Proregi, Gubernatori & Capiteaneo Ge-
 nerali Provinciarum novæ Hispaniæ,
 seu Personæ aut Personis penes
 quas erit illarum Gubernium.
F. Ioannes de Santandér, Commissa-
 rius Generalis Indiarum, Nobis
 retulit, qualiter ab annis trigin-
 ta, sui Ordinis Religiosi initium
 dederunt *Conversioni novi Mexico*;
 quodque ibidem absque ullo a-
 nimarum fructu manserint per
 annos 12. eo tamen non obstan-
 te Provincia eiusdem Ordinis,
de Sancto Evangelio dicta, semper
 sol.

sollicita fuit, Commissarium &
Religiosos illuc destinare.

Item quod ab hinc annis quin-
que, in Capitulo dictæ Provin-
ciæ *S. Exangelii* MISSIO illa in NO-
VO MEXICO, erecta sit in Custodiam,
eiusque Custos institutus
prænominatus *F. Alphonsus de Be-*
avides religiosus bonæ vitæ, &
exemplaris, cui per Te expeditio
ive concessio data est, ut secum
alios viginti sex, sui Ordinis di-
ctæ *Conversionis* cooperatores, su-
meret; quod & fecit; horum ve-
rò in præsentiarum non nisi sex-
decim Sacerdotes, & tres Lai-
cos (cæteris morte sublatis) su-
peresse. Cum verò districtus il-
lus *Custodiæ* se ad centum & am-
plius Leucas extendat, viæ sint
aspe-

asperæ & montosæ, populi
 Indicus ibidem satis numerosus
 ac proinde per tam paucos ad
 ministrationi illi non possit sa-
 tis fieri; rogavit, velimus tibi, tu-
 isq; assistentibus mandare, qua-
 tenus alios triginta Sacerdotes
 & aliquos Laicos Fratres, ad di-
 ctam *Custodiam* mitti curetis; &
 quod procedente feliciter illa
 conversione, de omnibus neces-
 sariis illis per vos provideatur.
 Hanc itaque petitionem in *Con-*
silio nostro Regio Indiarum maturè di-
 scussam, justam judicantes, Tibi
 præcipimus, ut ad dictam *Cu-*
stodiam novi Mexico, pro illorum
 Indorum Conversione & suffi-
 cienti instructione, alios triginta
 Religiosos mitti, ac deinceps de
 neces-

necessarijs ipsis provideri cures.
 Hæc enim est nostra voluntas.
Madrid. 15. Novemb. 1627. Itaque
 iuxta hoc mandatum discesse-
 unt eò ex Provinciâ *S. Evangelij*
de Mexico anno 1629. triginta boni
 exempli Religiosi, cum disposi-
 tione ut supra.

Quorum triginta Religioso-
 rum prædicatione & exercitijs,
 tot mirabilia, & miracula, Deus
 operari dignatus est, totque di-
 vitiarum spiritualium & tempo-
 raliū thesauros per eos detegi
 permisit, quod visum fuerit PRO-
 REGI NOVÆ HISPANIÆ, & *Commis-*
sario Generali illarum partiū, præ-
 dictum Patrem *Alphonsum de Bena-*
vides (penes quem directio dictæ
conversionis his præteritis añis fuit)

B

per-

personaliter mittere, ut ejus in
 formatione, eximij, & abundan-
 tes fructus zeli MAIESTATIS VE-
 STRÆ, quo vineæ Domini in illi
 partibus de talibus operarijs sol-
 licite providit, Ei manifesti fiāt
 & adhuc in vita præsentī existēs
 incipiat frui infinita mercede,
 quæ intuitu tam sancti operis, in
 futura *Ipsam* manet: nam præter
 inæstimabilem thesaurum *quin-*
gentarum millium personarum ad san-
 ctam nostram Catholicā Fidem
 conversarum, VESTRÆQUE MA-
 IESTATI subditarum (quarum ex
 nunc ultra octoginta mille ba-
 ptizatae sunt) DEUS etiam per de-
 tectionem ditissimorum mine-
 ralium, sive auri & argenti fodi-
 narum, EIDEM etiam temporali-
 ter

et benedicit. Quandoquidem
 titur præfatus Pater (emensis
 rius hoc año 1630. bis mille sex-
 entis & amplius, periculosissi-
 ni ac difficillimi itineris, millia-
 bus) nullo alio fine ad *Regiam*
Vestram Aulam destinatur, sitque
 persona omni fide & favore di-
 vina: Hinc rogo humiliter, *Vestra*
Majestas dignetur tam illis quæ
 verbo, quàm quæ relatione scri-
 ta exponet, diligenter ac beni-
 nè attendere; utpote Cui me-
 ritorū conversionis tot anima-
 rum per pauperculos Fratres sa-
 cri Ordinis nostri (Deo princi-
 paliter operante) in remotissi-
 mis illis partibus factæ, præcipua
 ars competit.

Fr. Joannes de Santandér Commissarius
Generalis Indiarum.

RELATIO PATRIS
ALPHONSI DE BE-
NAVIDES.

DOMINE.

EGO *Fr. Alphonsus de Benavides*
Ordinis Fratrum Minorum, Custos
Conversionis & Custodie novi Mexici
Dico. Ea, quæ facta sunt in Re-
gno illo, vel potius *Novo mun-*
do, per *Fratres Minores* ad Deum
(gratia sua mediante) converso
& VESTRÆ MAIESTATI subjuga-
to (nulli enim hactenus aliorum
Ordinum Religiosi, aut alij Ec-
clesiastici Viri, eò penetrârunt,
tot esse & talia, quod illa una vi-
ce, aut compendiosè referre, o-
mninò non possem; sub auspi-
cijs

ijs enim VESTRÆ MAIESTATIS
 usque protectione, & munifi-
 centia (Deo utique per nostros
 fratres operante, ipsorumque
 acta miraculis plurimis appro-
 bante) infinitos illis in partibus
 thesauros, & spirituales & tem-
 porales invenimus; unde *Proregi*
Mexicano, meeque sacrae Religio-
 ni visum fuit, mihi hanc Provin-
 ciam committere, ut MAIESTA-
 TEM VESTRAM personaliter acce-
 derem, tanquam qui conversio-
 ni illi multis annis praefectus, ex-
 actam omnium *ipsi* informatio-
 nem dare potero, & si in relatio-
 ne scripta aliquid brevitatis ergo
 commissum foret, verbo supplere,
 honoris quibus mihi VESTRA MA-
 IESTAS benignā dignabitur con-
 cedere

cedere audientiam. Habebo autem pro magna parte remunerationis laborum & periculorū tam vasti itineris (quod Decipitio ad suam gloriam fæliciter peregi) si saltem ea, quæ illic contigerunt ad notitiam V. MAJESTATIS devenerint, *Ipsiꝑꝰ* innotescant merita & suffragia quibus participat in novo illo suo Regno, hinc ad minus bi-
mille sexcentis milliaribus distant, quæ præsentī anno 1630. non absqꝰ immensis laboribus summisque periculis peragravi. Omnium verò molestiarum oblitus, præ consolatione, quam accipies V. Ma.^{tis} haurio, Narrationem aggredior.

Natio-

Nationes, quæ habitant in itinere versus Novum Mexico.

Regnum *novi Mexico* situm est 400. milliaribus ultra civitatem *Mexico* versus Septentrionem, ad altitudinem 37 graduum; licet verò incolæ habeant in illo loco suas habitationes, districtus tamē eorum incipit 200 milliaribus à dicta Civitate *Mexico*, videlicet in *valle S. Barbaræ* ubi est ultimum oppidum *Novæ Hispaniæ* ab illa parte: divisio autem duorum Regnorum fit per flumen *Conchos*, ita dictum à Natione *Concha* ibidem vicina: ab hoc flumine usque ad fluvium *Septentrionalem* sunt centum Leugetineris, quod summis periculis conficitur propter inhabi-

tantes Nationes, scilicet, *Tobosos*,
Tarahumares, *Tepeones*, *Tomites*, *Su-*
mas, *Planos*, & alias. omnes valde
 crudeles, barbaras & indomitas;
 incedunt nudi omninò, domib.
 carent, terram non colunt, vi-
 vunt ex venatione omnis gene-
 ris animalium, etiam immun-
 dorum; mansiones suas mutant
 ab uno monte vel rupe in aliam:
 Levissima de causa suscitant bel-
 la intestina, occiduntque invi-
 cem instar bestiarū. Arma ipso-
 rum sunt Arcus & Sagittæ, com-
 munita omnib⁹ illis nationibus.
 Quando illac trāsimus cum par-
 vo comitatu, aggrediuntur nos,
 inferuntque mala quæ possunt:
 proindè non minùs quàm duo-
 decim Equitibus benè armatis
 tran-

transire possumus, & quidem
adhuc cum cautela; hinc, in no-
ctis crepusculo construimus ig-
tes in aliquo loco, ut putent nos
ibi velle pernoctare, & transi-
mus beneficio noctis quàm pos-
sumus longissime: si verò de die
vident nos frequentiori comita-
tu stipatos transire, tunc noctu
insidiantur nobis: ita quod à
tempore detecti *Novi Mexico* nū-
quam absque aliquo conflictu
hæc centum milliana transiri
potuerint; Deo tamen propitio
semper Hispani superiores evase-
re. Omnem adhibuimus cona-
tum ad pacificandas & conver-
tendas has nationes, tam pro a-
nimarum suarum salute, quàm
viarum securitate procuranda,

adeò tamen sunt sylvestres, quòd
nullum alloquium admittant.
Deus tempus suæ conversionis
promovere dignetur.

NATIO MANSOS DICTA,
ad ripam fluminis septentrio-
nalis.

TRansitis his 100 Leucis, ve-
nitur ad famosum *Septentrio-*
nale flumen, sic dictum, quia à sep-
tentrione profluit: hujus flumi-
nis ripa ad longitudinem centū
Leucarum, antequam ad *Novum*
Mexico pertingitur, inhabitatur
à Natione quam nos communi-
ter MANSOS vel GORRETAS voca-
mus, quia taliter crines in capite
componunt, ut parvo almutio
(hispanicè *gorreta:*) tegi videatur:

Man.

Mansos verò ex eo dicimus, quod
 indi illi experti, si hostiliter nos
 aggrediantur, canes nostros ip-
 sos invadere & mordere, si verò
 pacifici aut mansueti (hispanicè
mansos) accedant canes nostros à
 nobis cohiberi, dicendo *Salay*;
 ipsi nos accedentes, præveniunt
 clamādo *Salay, Salay, mansos, man-*
sos, hinc Vulgariter *Mansos* vocan-
 tur. Populus hic similiter domi-
 bus caret, sed tuguriola ex ramis
 confecta inhabitāt, terram non
 colunt, viri nudi incedunt, mu-
 lieres antè & retrò à cingulo de-
 orsum duabus pellibus cervinis
 se tegunt. Si putant se nobis
 posse prævalere, inferunt quic-
 quid possunt mali; sin autem, pa-
 cificè nos accedunt, ut cibos à
 nobis

nobis recipiāt. Inter paucas per-
 sonas integram vaccā, crudam
 cum intestinis, imò & excremē-
 tis devorant, instar canū dentib.
 discerpentes, vel cultris lapideis
 dividentes, ac immanfos diglu-
 tientes. Obvii facti nos subin-
 de ad sua tuguria deducunt, ut
 uxoribus & liberis ipsorum etiā
 cibum demus, nos reciprocè su-
 is cibis tractantes, qui sunt pisces
 & mures. Sunt homines pul-
 chræ staturæ & fortes. Sæpius
 illis prædicavimus, sed frustra: in
 ultimo verò meo transitu mihi
 dixerunt, se optare ut religiosi
 ipsis mittantur, qui ipsos instru-
 ant, & baptizent: quod operæ
 pretium erit; præcipuè quidem
 pro salute animarum, pro qui-
 bus

bus æque ac nostris, Salvator
 noster pretiosissimum suum
 sanguinem effudit: accessoriè
 verò, ut per hoc transitus 200.
 millarum Leucarum securus red-
 datur, & circumcirca adjacen-
 tum nationum conversioni
 principium detur. Hoc autem
 facile fiet, mittendo eò 4. aut 5.
 Religiosos cum 15. aut 20. militi-
 bus pro illorum securitate; per
 quod cessabit necessitas adjun-
 gendi alium comitatum mili-
 tum, sive *Convoy* iis qui (vel Re-
 ligiosi, vel alii) ad *Novum Mexico*
 successivis temporibus mitten-
 di sunt, prout hactenus immen-
 sis V. Ma.^{ris} impensis factum est.
 Hoc etiam medio & securitate
 inhabitari poterunt plurima lo-
 ca

ca, ubi ditissimæ mineralium
 diversi generis fodinæ; & coli
 fertilissimi agri qui in illo tractu
 reperiuntur; ac consequenter
 singulis annis illud iter frequen-
 tari; ubi modo defectu securi-
 tatis, spatio quinque vel sex an-
 norum in *Novo Mexico* nihil de
Natione Hispanica possumus intel-
 ligere, donec consuetum subsi-
 dium pro Religiosis & Ecclesiis
 de Mandato V. Ma.^{tis} eò adve-
 hitur: quod quidem juxta *Eius*
 decretum singulis trienniis pun-
 ctualiter fieri deberet, prætere-
 unt tamen quinque vel sex aña
 absque eo, quod officiales Re-
 gii de nobis vix cogitent; quan-
 ti autem talis expeditionis tolli-
 citatio constet, Deo notum est.

Natio

Natio hæc *Mansos*, optime ad
 conversionē est disposita; quo-
 ties ipsis de DEO loquimur, a-
 vidissimè & cum applausu au-
 scultant; quod nisi baptizentur,
 infernalibus flammis tradēdi sint,
 plurimum apprehendunt: seque
 multum dolere testantur, non
 esse sibi, sicut aliis Nationibus,
 provisum de Religiosis qui illos
 instruant. Omittere non pos-
 sum quin referam V. Ma.^{ti} quid
 mihi acciderit. In una habita-
 tione illorum *Mansos*, erexi Cru-
 cem, altitudine unius lanceæ, di-
 mens ipsi, hoc esse signum no-
 stri DEI; quod nos Christiani
 undubique in nostris Urbibus
 et domibus habemus, quodq;
 EVS ad illud signum devote
 invo-

invocatus nobis in omni infirmitate, miseria, & necessitate succurrat; quod propterea magnam in illo signo fiduciam ponerent, in suis infirmitatibus devote adorarent & attingerent, si id firma fide facerent, sanitatem recepturos. Mirum, quam multi illorum statim accesserunt, genuflexi sanctā Crucem tangentes & osculantes, prout me prius facientem viderant: inter cæteros adverti mulierem unam dentium dolore laborantē, magno affectu, ore hiantē, dentes suos S. CRUCI admoventem, aliam partui proximam, uterum suum S. CRUCI applicantem: nō habebam tunc interpretem ad manum, per quem mihi successus

fus

is rei innotesceret, *Deus* tamen,
 a sancti verbi sui confirmatio-
 nem, miracula operatū esse, ple-
 nē confido. Non est quidem no-
 rūm nosse tempora vel mo-
 menta, quæ Deus posuit in sua
 potestate, Ipse enim novit, quan-
 to fælix hæc dies illi Nationi il-
 lūcescet, magnam nihilominus
 illi affert consolationē, quod
 nunc adeò benè ad suscipien-
 dam salvificā fidem sit disposita.

Initium Nationis APACHE.

Rogrediendo itaque versus
 Septentrionem, triginta mil-
 ribus à Natione *Mansos*, occur-
 præclara Natio APACHE, quæ
 hac parte vocatur Hispanicè
Apache del Perillo, eò quod per ali-
 em, forsan ita nominatum, il-

C

lic

lic detectus est aquæ rivus, valde
 utilis & necessarius, antea enim
 aquæ defectu, difficillimum
 lâc, multis milliaribus iter erat
 & sic remansit illi Provinciæ no-
 men *Apache del Perillo*. Hujus Pro-
 vinciæ ampliorē inferiùs faciam
 mentionem, est enim maximè
 & quamvis incolæ sint bellicosi
 quia tamē humaniores sunt præ-
 teritis Nationibus, minori per-
 culo per illam transitur, donec
 denuo ad fluminis Septentri-
 onalis ripam pertingitur, ubi inci-
 piunt mansiones *Novi Mexico*, or-
 dine sequenti.

Provincia & Natio PIROS, SENECA

SOCORRO, SEVILLETA, &c.

AB hac itaque ripâ dicti flum-
 inis Septentrionalis incipit
 primæ

primæ mansiones Provinciæ si-
 e Nationis PIROS ; multa sunt
 ibi oppida, quorum domus ex
 tere nō cocto constructę sunt,
 abentes unam aut alterā conti-
 nationē, cum porticibus ver-
 is plateam : incedūt incolæ ve-
 iti, Respublica regitur à Capi-
 neis : sunt insignes agricolæ :
 opiosa illic venatio, cervorum,
 porum, cuniculorum : fluvij
 vario piscium genere abundan-
 s : terra fertilissima.

Hæc Provincia, licet prima il-
 lis Regni, fuit tamen inter ulti-
 as conversa. Placuit tandem
 eo, ejus habitatores anno 1626.
 ræ fidei luce illuminare, meq;
 nquā instrumento illius Con-
 fessionis uti : cujus efficaci coo-

perante gratiā contigit, quo
 primo anno omnes baptismum
 susceperint, & etiam nū ferven-
 tes in Catholicā fide perseverant
 præcipuum illius Provinciæ Op-
 pidum consecravi in honorem
B. Virginis Auxiliatricis, Hispanic
del Socorro, tres in eādem Conven-
 tus, unā cum Ecclesijs erexi; Pri-
 mum, in oppido *Senecú*, in hono-
 rem *S. Antonij de Padua*: Secundum
 in oppido *Pilabo*, *B. Virgini Auxilia-
 trici* sacrum: Tertium in *Sevilleta*
S. Ludovico Ordinis nostri Episco-
 po dedicatum.

Non absre erit MAIESTAT
 VESTRÆ breviter insinuare in-
 tium, quod habuit hic locus *Se-
 villeta*. Erat per præterita bel-
 ab alijs Nationibus devastatu
 in-

incendioque planè absumptus,
 incolę vagabantur in montibus
 & rupibus: his denuò, meâ ope-
 â eò collectis, alijsque aliunde
 advocatis, locum restauravi, est-
 que hodie ex melioribus; quę
 MAIESTAS V. illis in partibus ha-
 bet, nostri verò nomen illi *Sevil-*
eta imposuerunt. Quilibet ho-
 um Conventuum plura oppida
 circumjacentia sibi commissā ha-
 bet, quorum habitatoribus fra-
 res nostri zelosè ac sollicitè in-
 gillant, & ministrant. Quę mi-
 ni in illius Provincię conversio-
 ne acciderūt, frigus, aliasque mi-
 erias, quas passus sum, labores
 quos subivi, brevitatis causā
 prætereo, *Deo* omnia commit-
 tens, in cuius honorem, anima-
 umque salutem facta sunt.

Auri & argentifodinae apud B. Virginiem Auxiliatricem.

PROvincia illa fodinis auri & argenti, alijsq̃ pretiosissimis mineralibus, abundat, præcipuè in colle Auxiliatricis, qui locus est principalis Provinciæ *Piros*: verguntque à Septentrione versus meridiem, ad tractum plusquam 50. milliarium. Pro tantâ benedictione temporali, *Deo*, humiles Servi & Oratores V. MAIESTATIS, sæpè immensas egimus gratias, quod **E**I Ecclesijs, & Conventibus fabricandis, infinitisque alijs rebus, necessarias expēsas & media subministret. Nos operâ viri cuiusdam in simili materiâ versatissimi, thesauros hos (quibus in orbe vix maiores esse putem) *Deo* præ-

præcipuè juvante deteximus: il-
 lorum tamen fruitione, defectu
 personarum illis eruendis neces-
 sariarum, MAIESTAS V. hætenus
 frustratur. Majori facilitate, mi-
 noribusque expensis erui pote-
 unt mineralia ex his fodinis,
 quam ex quibuscunque alijs u-
 niversarum Indiarum, eò quod
 am materialia labori, quam sus-
 tentatio laboratoribus necessa-
 ria, illic ad manum sint, quæ ali-
 i (immò & ipsa aqua) longè pe-
 enda, quibus major pars the-
 aurorum hauriendorum, insu-
 nitur. Posset quidẽ timeri, quod
 ndi illi, recens conversi, vel con-
 vertendi, advenientibus pluri-
 bus hominibus illis laboribus
 reputandis, terrebutur, suasque

habitationes deferentes, præ ti-
 more aliò se conferent : lum ni-
 hilominus hujus sententiæ, si
 hujus operis directio commit-
 tatur personis discretis, quæ in-
 colas benè tractent, ipsis conde-
 scendant, segniùs laborantes nō
 nimis urgeant, (saltem in princi-
 pio) debitamq; laboribus mer-
 cedem exactè persolvant, quod
 non solum non abigentur, quin
 potius allicientur ad tractandū
 & cōmunicandum nobiscum,
 immò videntes se benè haberi,
 & bonum stipendium sibi per-
 solvi, ultrò ad laborandum se of-
 ferrent, & sic familiaritatem no-
 biscū contrahentes, faciliùs pos-
 sent in subjectionē M^{ti}s V. redigi.
 Curavi diversorum colorū me-
 talla,

talla, ad bonam satis quantita-
tem, extrahi ex dictis fodinis,
præfectisque fodinarum in *Nova*
Hispania offerri, qui reperientes
tam esse præstantia, quòd alia In-
diarum mineralia valore longè
superēt, petitâ & obtentâ à Pro-
rege (servitium & profectum V.
M^{tis} zelante) licentiâ, se ad iter
versus *Novum Mexico*, cum nume-
ro operariorum, accingunt. Pro-
vincia hæc *Piros* ascendendo ju-
xta flumen Septentrionale, à lo-
co *S. Antonij de Senecú*, usque ad *S.*
Ludovicum de Sevilleta, in spatio 15.
milliarium, habet 14. oppida ab
utraque fluminis ripâ, & in ijs sex
mille habitantes, omnes bapti-
zatos, ac tres Convent⁹, ut suprà
dictum est; quorum Religiosi

incolas non solum in rebus fidei instruunt, sed & eos docent in scholis, legere, scribere, cantare, aliasque artes vitæ politicæ necessarias.

Natio Toas.

ULterius ascendendo, juxta dictum flumen, incipit Natio Toas, quæ in 15. aut 16. oppidis in spatio 12. vel 13. milliarium consistit; habentque moratorum septē millia plus minus, qui omnes sacro baptismatis fonte sunt abluti; in illis duo sunt conventus, videlicet *S. Antonij de Sandia*, & *S. Antonij de la Isleta*, & scholæ in singulis, ubi similes artes liberales docentur. Ecclesiæ illorum conventuū sunt valde pulchra & curiosa, ex industria Religio-

ligioforum, qui eas construere curarunt; habentque præterea singuli pagi singulas Ecclesias, valde pulchrè dispositas.

Natio QUERES.

QUatuor milliaribus ulterius, occurrit Natio QUERES, quæ ultra decem millaria se extendit, consistitque in septem oppidis (quorum primū *S. Philippi* nomen accepit) in quibus moratores, (omnes baptizati) circiter quatuor mille, & tres conventus cum pulcherrimis Ecclesijs: habentur nihilominus, in locis ubi conventus sunt, uti & in singulis oppidis, Tempora specialia pro usu populi. Hi Indi sunt valde exercitati in legendo, scribendo, instrumentisq; musicis pulsandis, opi-

opificijlq; varijs, instructi à Religiosis, qui illos converterunt ad fidem, estque terra ibidem valdè fertilis omnis generis frugum.

Natio TOMPIRAS.

DEclinando à flumine Septentrionali versus orientem, decem milliaribus à Natione præcedenti, inchoatur Natio *Tompiras*, habens in tractu milliarium 15. aut circiter, oppida 14. aut 15. Templis pulcherrimis instructa, (quorum quod primò occurrit *Chilili* nomen accepit) habitatores verò ultra decem mille; horum major pars ex nunc sunt baptizati, reliqui (conversi quidè) catechizantur, artibusque, ut supra, imbuuntur à nostris Religiosis; quorum sunt ibidè sex conventus

ventus perinfignes, cum Templis & scholis optimè constructis: terra quidem propter intensum frigus, & aquarum penuriã, nō valdè frugifera, sed *Salinis* prestantissimis dives. Operæ pretiū erit hīc referre lepidam historiã, quę accidit, dum conversionem magni oppidi *Xumanas* (quod s. *Isidoro* Archiepiscopo Hispalensi dedicavi) inchoarem. Contigit igitur quod quidam magus, prædicatione *Verbi Dei* convictū populum, Christianam fidem assumere velle advertens, valde super hoc commotus, alta voce exclamaret: Vos *Hispani* & *Christiani*, sicut stulti estis, vultis etiam nos stultos facere. Et dum rogarem, in quo essemus stulti? respondit:

in

in eo quod per publicas plateas
vos flagellis cæditis, sanguinem-
que vestrum effunditis (viderat
enim aliquibus in locis discipli-
nantium Processiones in hebdo-
mada sancta) & ad similem insa-
niam etiam hunc populum vul-
tis adigere; his dictis tanquam
in furiam actus, aufugit, clamans
continuò se nolle ita stultum fie-
ri: quod factum omnibus risum
movit.

Natio TANOS.

REvertendo denuò Septen-
trionem versùs, peragratiss
alijs decem milliaribus, deveni-
tur ad primum & præcipuum
oppidum Nationis TANOS, quæ
se ad decem milliaria protendit,
habens quinque oppida, 4000.
habi-

habitantes baptizatos, & unum
conventū cum Templo specio-
sissimo, habentque singula op-
pida proprias Ecclesias, ad quas
Fratres sacra celebraturi acce-
dunt; adfunt etiam scholæ, ubi
docent, ut supra.

Natio PECCOS.

AD alia quatuor milliaria ver-
sus Septentrionalem plagā,
occurrit oppidum PECCOS, ultra
bis mille habens moradores; est
in eo conventus Fratrum, Tem-
plumque pulcherrimum, ac sin-
gularis formæ; & quamvis hi In-
di pertineant ad Nationem *He-
mes*, de quâ infra, sintque cum il-
lâ ejusdem linguæ, quia tamen
ab hac satis remotè habitāt, pro
speciali habentur Natione. Est
Regio

Regio præ nimio frigore parum
fertilis, producit tamen *Maiz*,
quod nos *frumentum Turcicum* ap-
pellamus (Hispani verò *Trigo de*
Indias, vocant) ad sufficientiam.
Sunt homines modò in artibus
suprà specificatis, versatissimi.

Civitas SANTA FE, id est, Sanctæ
fidei, dicta.

A Supradicto oppido, Occi-
dentem versus, ad septem
milliaria, sita est civitas SANTA
FE, capitalis hujus Regni, in qua
residet Gubernator, cum 250.
Hispanis militibus: defectu ta-
men armorum, soli quinquagin-
ta sunt bello instructi; & quam-
vis adeò sint pauci, *Deo* tamen ita
disponente semper contra Indos
victo-

victoria potiuntur ; adeò enim
 errentur ipforum solo nomine,
 & sclopetorum ictibus, quod
 audientes *unum solum Hispanum* ad
 eum oppidū accedere, omnes
 defugiant : in quo timore ut te-
 neantur, valdè rigidè proceditur
 cum illis, qui rebelles se exhibēt,
 nisi enim hoc fieret, jam dudum
 paucos illos Hispanos interemif-
 sent, scientes eis non nisi ex *nova*
Hispania, unde adeò sunt remoti,
 subsidium mitti posse. Sunt ve-
 rò omnes milites veterani, hu-
 militer, & cum bono exemplo
 inter Indos agentes. Hi non sus-
 tentantur ex *Camera* sive *Financijs*
V. M^{ts} sed ponit illos Guberna-
 tor oppidorum Præfectos sive
 Capitaneos, & à singulis familijs

recipiunt, loco Salarij annui, u-
 nam ulnam telæ ex goſſipio te-
 xtæ, & unum modium *Maiz*, ſi-
 ve frumenti, his miſelli ſe debent
 alere. Habentur inſuper alij ſe-
 ptingenti viri, *Indi Chriſtiani*, in
 Servizio civitatis, qui (licet nul-
 lum recipiant ſtipendium) ad o-
 mnem nutum Gubernatoris de-
 bent in campum egredi, qua-
 cunq̃ue occasione oblatâ; quod
 promptiſſimè faciunt, & valdè
 ſtrenuè ſe gerunt. Unum, & qui-
 dem præcipuum, huic civitati
 deerat, videlicet Templum, hinc
 divina in horreo aliquo perage-
 bantur. Eò igitur tanquam Cu-
 ſtos accedens, ſtatim Templi fa-
 bricę intendi, quod modo, Laus
Deo, perfectum eſt: conſtruxi &
 Con-

Conventum Fratribus nostris,
 qui, uti alibi, incolas in artibus
 tam liberalibus, quàm alijs in-
 truunt. Et licet locus sit valde
 frigidus, est nihilominùs totius
Novi Mexico fertilissimus.

Natio TEOAS.

Procedendo ulterius versus
 occidentem (repetendo ni-
 hilominùs flumen Septentrio-
 nale, à quo nonnihil recessimus)
 occurrit Natio sive Provincia
 TEOAS: habens in spatio II. vel 12.
 miliarium octo oppida, & in il-
 lis habitantes 6000. plus minùs.
 hæc natio omniū prima in hoc
 regno sanctissimum Baptismi
 sacramentum suscepit, de quo
 non plurimùm gratulatur. Sunt

Hispani ipsis valdè amici, ipsi quæ
 Nationi Hispanicæ cæteris fide-
 liores, in quacunq̃ue bellorum
 occasione: In omnibus sunt be-
 nè instructi. Singuli pagi habent
 suas Ecclesias, ad quas Fratres
 nostri divina administraturi ac-
 cedunt, ex tribus Conventibus
 qui sunt in illa Provincia. Regio
 est magnæ fertilitatis, quam au-
 get valdè beneficium aquæ du-
 ctuum, industria alicujus Fratris
 inventorum, quibus seminata
 irrigantur. Suppetit etiam pisci-
 abundantia ex flumine Septen-
 trionali illic vicino.

Natio HEMES.

TRansito illo flumine, & ten-
 dendo versus occidentem

ve-

enitur ad Nationem HEMES,
 uæ eo tempore, quo eò accessi,
 uit dispersa per totum Regnum,
 elloque & fame penè extincta:
 inc, quia pro majori parte o-
 nnes fuerant per nostros antea
 aptizati, animum apposui, ut
 ispersos denuò congregarem;
 d hoc deputando aliquem Re-
 giosum, qui strenuè & sollicitè
 ac in parte laboravit; sic paula-
 m collectos, collocavimus in
 uobus oppidis, quorum unum
Joseph (in quo pulchram Eccle-
 am, Fratrumque Conventum
 onstrui feci) aliud *S. Didaci de*
ngregatione, nomen accepit: cu-
 vimus ipsi etiam fabricari do-
 os, singulisque de alimentis
 o aliquot diebus provideri,

terramque per nostros cultam,
 eis ad seminandum tradi. Pro
 suppeditandis verò ad talia & si-
 milia charitatis opera, expensis,
 subinde pannum, quem vestien-
 dis Fratribus nostris V. MAIE-
 STAS mitti mandavit, permuta-
 vimus, & sic oppidum hoc, *Con-*
gregationis dictum, unum ex præ-
 cipuis, quæ in India reperiuntur,
 evasit, habens Templum, Con-
 ventum & Scholas sicut alia.
 Quamvis verò media pars hujus
 Nationis extincta sit, ultra tria
 millia tamen subditorum MAIE-
 STAS V. illic acquisivit.

Natio PICURIES.

UT autem regrediamur ad
 Nationem TE O A S, ascen-
 dendo

dendo flumen Septentrionale
 ad decem milliaria, occurrit op-
 pidum PICURIES, habens incol-
 as 2000. plus minus, Conven-
 tum & Ecclesiam: fuerunt hi
 præ cæteris totius Regni, maxi-
 mè indomiti & intractabiles,
 multa proinde passi sunt ab eis
 Religiosi, verbera, injurias, &c.
 pro fide Catholica. *Patrem*, qui
 modò ibi agit, aliquoties tentá-
 runt occidere, *Deo* tamen eum
 miraculosè præservante, semper
 eorum manus evasit: dum enim
 semel per vias eum invadere ten-
 tabant, præ timore trementes
 copioso sudore suffundebantur:
 alia vice dum ad eum capiendū
 accedebant, factus est eis invisi-
 bilis, & sic confusi recesserunt;

nunc verò (*Deo* sint laudes) valdè sunt pacifici & morigeri, ac in artibus benè instructi. Pertinent ad Nationem *Teoas*; quia verò ab hac adeò sunt diffiti, pro speciali Natione reputantur. Terra est valdè fertilis, maturèque & in magna abundantia suos fructus profert: habet aquas fluviatiles optimas, abundantes Truttis; habet & *granatorum lapidum* optimorum venas, sed non est, qui illos eruat.

Natio TAOS.

ALijs septem milliaribus ad Septentrionem, situm est oppidum TAOS, quod ad præcedentem Nationem pertinet, differt tamen nonnihil in loquela. Habet 2500. habitantes, omnes bapti-

baptizatos, Conventum & Ec-
 clesiam, exstructa procuranti-
 bus duobus Religiosis ad con-
 versionem illius Nationis depu-
 tatis, qui & optimè illos tam in
 fide quàm in alijs docuerunt.
 Anno verò 1627. placuit *Deo*, san-
 ctum Verbum suum miraculo
 confirmare. Cum enim de *Sacra-*
mento Matrimonij, & præsertim
 quod non nisi unam uxorem
 habere cuilibet liceat, unus Reli-
 giosus prædicaret, ipsis verò, plu-
 ralitati illarum antè Baptismum
 assuetis, difficile persuaderi pos-
 set, inter alias una vetula Saga In-
 dica, maximè se huic doctrinæ
 opposuit: hæc semel secum in
 sylvam ad ligna colligenda sum-
 psit quatuor mulieres Catholico

D 5

ritu

ritu copulatas, totus discursus quem cū ipsis eundo & redeundo habuit, in hoc tendebat, ut illas induceret, ne in modum copulandi, quem *Pater* prædicabat, ullatenus consentiret, quod antiquus Indorum mos melior esset; ipsis verò omninò illi contradicentibus, hac autem semper acrius instante; ecce! dum oppido appropinquarent, sudo & sereno cœlo, cecidit fulgur, quod diaboli mancipiū (Catholicis mulieribus, inter quas Saga media incedebat, planè illæsis) percussit & occidit. Miraculum hoc, non solū bonas illas Christianas quatuor mulieres, in Doctrina, quam *Pater de Sacramento Matrimonij* prædicaverat, confir-

ma-

navit, sed & omnes viros, qui occultè concubinas aiebāt, per-
 movit, ad illas sibi legitimo ma-
 trimonio copulandas, aut di-
 mittendas; ac deinceps *Patris* do-
 ctrinæ absque ulla contradictio-
 ne fidem adhibuerunt. Super
 quo factō prætactus *Pater* infi-
 gnam habuit concionem: sin-
 gulisq; Dominicis & Festis die-
 bus, & in hoc, & in omnibus a-
 lijs Conventibus conciones fie-
 ri solitæ sunt. Sit *Deus* laudatus.
 Religio hæc quamvis valdè fri-
 gida, necessarijs tamen frugibus,
 & animalibus abundat.

Rupes A C O M A.

R Epetamus modo Nationem
Queres, de qua supra, trans-
 eun-

eundem enim est ultimum ejus
oppidum *divæ Annæ* dedicatum,
versus occidentem ad 12. millia-
ria, ut perveniatur ad *rupem* Aco-
MA, inaccessibilem pænè, & ha-
bitatam hominibus bellicosissi-
mis, bis mille plùs minùs. Pluri-
mis Hispanorum & Indorum a-
micorum, vitis, hæc rupes com-
parata, & tandem occupata fuit.
Præterito anno 1629. eò missus
est unus ex nostris *Patribus*, qui
ipsis catechizat, & catechizatos
Baptismo imbuit. Hujus S^mi Sa-
cramenti virtutem, miraculo
Deus probavit, circa puellam æ-
tatis unius anni. Hanc mater in
brachijs gestans, animam agen-
tem, quasi mortuam deplora-
bat; quod videns Religiosus, di-
xit;

xit; mulier, quandoquidē adeò
hanc prolem diligas, sine eam
baptizari, ut saltem mortua cœ-
lum petere, & æterna gloria frui
possit: credidit mulier (adhuc
æthnica) *Patri*, rogavitque, ut
puellam baptizaret: cui *Pater*;
crede igitur, hæc enim aqua po-
tens est filiæ tuæ sanitatem red-
dere. Mirabile dictu; infusâ a-
quâ super puellam, & formâ Ba-
ptismi prolatâ, in momēto con-
valuit, & se erigens ubera matris
arripuit, Patriq; quasi pro acce-
pto beneficio gratias agens, arri-
debat. Miraculū hoc Indos illos
plurimum in fide confirmavit,
diligentioresque reddidit in ad-
discendis Christianis precibus,
ut ad Baptismum pertingere pos-
sent. Sit Deus benedictus.

TRiginta alijs milliaribus, occidentem versus, venit ad Provinciam ZÚNI, ii. vel 12 oppida spatio novem aut decem milliarium complectens, in quibus ultra decem mille habitatores reperiuntur, omnes ad Catholicam fidem conversi, pars eorum ex nunc baptizati, pars adhuc catechizantur & indies baptizantur. Religiosi nostri ibidem habitantes in duobus Conventibus, & huic sancto operi intendentes, magnam à veneficis illic existentibus, sustinent persecutionem; Deo tamen opus suum promovente, suosque operarios protegente, semper prævalent, plurimaque mirabilia Dei

Dei virtute faciunt; quæ, quia
in speciali informatione de super
sumpta referuntur, ad illam me
remitto. Est Regio omnium hu-
manæ vitæ necessariorum af-
luentissima.

Natio Moqui.

Tem versus occidentem alijs
triginta milliaribus, sita est
Provincia Moqui, ejusdem cum
præcedente, magnitudinis &
quantitatis populi, videl. 10000.
qui indies catechizantur, & Ba-
ptismum recipiunt, confirman-
te Deo doctrinam Servorum suo-
rum signis & prodigijs, quorum
num hîc referendum. Pro mo-
re habent Indi, statim à princi-
pio Religiosos ad sua oppida &
ha-

habitationes adventantes, optime recipere, seque sacro suscipiendo Baptismo prompto animo accommodare; quod æger rimè ferentes venefici, nullum non movent lapidem, ut illud impediunt, ad hoc nitentes præcipuè, ut Religiosum Ind expellant aut occidant. Contigit itaque in præcipuo oppido hujus Provinciæ Moqui, postquam ibidem *Patrem* ad suam conversionem destinatum, unum cum socijs ac militibus ipsum comitantibus, valdè amicè receperunt, quod *Pater* habens in manu unam ex crucibus originalibus, *Matris Ludovicæ de Carrion*, ipsos in fervore spiritus efficacibus rationibus convincere labora-

adoraret, unum solum *Deum* esse
 colendum & adorandum, illum
 videlicet, qui creavit cœlum &
 terram, & pro redemptione hu-
 mani generis homo factus, mor-
 tuus est in *cruce*, cujus similitudi-
 nem manu tenebat; quod etiam
 illi debebant adorare, & non
 idola sua, per quæ diabolus ipso-
 rum mentabatur & decipiebat. Ma-
 gister qui aderant per hoc quasi in
 diabolum acti, conati sunt populo
 persuadere, ipsum Religiosum
 omnesque ejus comites esse se-
 ductores, & ad hoc solum venisse,
 ut ipsos deciperent, quod pro-
 fundè eos deberent è medio tol-
 lere; hoc tamen aggredi ausi non
 fuerunt, timentes militem ar-
 matum, sed præcipuè Deo ita

E

cle-

clementer disponente. Postea
 magnâ hominum catervâ stipa-
 tum, adducunt puerum unum
 12. vel 13. annorum, cœcum à na-
 tivitate, habentem oculos adeo
 clausos, quod palpebras aperire
 nullatenus posset; dixerunt quodam
 Religioso: si vera sunt, quæ de
cruce prædicas, superponas eam
 oculis hujus pueri, quos si ape-
 ruerit, credemus tibi, sin minus
 te tanquam mendacem & sedu-
 ctorem aut occidemus, aut cum
 ignominia ejiciemus. Tunc Re-
 ligiosus ingenua procidens, ele-
 vatis in cœlum oculis magna
 devotione & fide *Deum* orabat
 quatenus in infidelium illorum
 & sylvestrium hominum con-
 fusionem, & ut discerent san-
 ctum

tum suum *nomen* & *crucem* ho-
 norare, per hanc, quam manu
 tenebat, antiqua potentia suæ
 miracula operari dignaretur :
 peracta oratione surgens, firma
 de *crucem* oculis pueri imposuit,
 qui extemplò illos aperiens, præ
 summa admiratione, quod jam
 videret, exclamavit. Tanto mi-
 raculo stupefacti, puerum per
 vicinos & plateas brachijs eleva-
 tum tulerunt, miraculum publi-
 cantes, & se Christianos fieri, ac
 baptizari velle altis vocibus pro-
 testantes; quodque jam agno-
 cerent vera esse, quæ *Pater* doce-
 bat, seque ipsius monitis & do-
 ctrinae velle acquiescere : econ-
 tra Veneficos, qui hactenus suâ
 magiâ ipsos dementârant, esse

meros deceptores & seductores
Patrem proinde, suosque socios
 magna deinceps sunt reverentia
 & amore prosecuti, acquiescen-
 tes promptissimè eorum moni-
 tis & doctrinæ, atque ad *Baptis-*
um summo desiderio aspiran-
 tes. Sit nomen Domini benedi-
 ctum.

Non defuerunt similia mira-
 cula in superioribus conversio-
 nibus, quæ hic brevitatis causa
 prætereo, illa ad plenum relatu-
 rus in historia generali illius con-
 versionis, quam *Deo* juvante in
 lucem edere intendo, volui ta-
 men hæc pauca referre, quia præ-
 terito anno 1629. à quo *Majestas*
Vestra novos in illam vineam o-
 perarios misit, contigerunt.

Harum

*Harum Nationum mores & consue-
tudines.*

HÆc sunt loca inhabitata, quæ
Ab hac parte regni (cui *Novi
Mexico* nomen dedimus) hæte-
nus potuimus detegere, à primo
videlicet oppido Provinciæ *Piros
S. Antonij de Senecú* nominato, usquẽ
ad oppidum *S. Hieronymi* Provinciæ
Taos. Continet hic districtus spa-
tium centum leucarum, suntque
omnia oppida sita ad utramque
ripam *fluminis Septentrionalis*, pau-
cis exceptis, quæ septẽ vel octo
milliaribus ad latus declinant,
iuxta alios rivos aquarũ; ascen-
duntque habitatores ad nume-
rum octoginta millium, plus
minus. Omnes hæc Nationes di-
visæ erant in duas partialitates,

quarum una militiam, altera magiam profitebatur, habebantque summas ad invicem inimicitias. Milites conabantur omnem populum sibi subjugare, contra Magi, persuadentes hominibus se pluvias, serenam auram ac terræ fertilitatem causare, illos in suam sententiam & devotionem trahere studebāt, militem deridentes; & sic erant assidua inter ipsos bella intestina crudelissima, homicidia frequentissima, oppidorum & aliarum habitationum everfione ac desolationes, & consequenter hosti humani generis magnum lucrum. Ipsorum Religio, licet non potuerit dici formalis Idololatria, erat tamen huic

huic proxima, ferè enim ad omnia, quæ agebant, speciales adhibebant oblationes: verbi gratia, contra hostes suos in bellum processuri, offerebant farinam, & alias res, in præsentia crinium, quos inimicis à se trucidatis abiderant: volentes nubere, coram capitibus cervorum, leporum, cuniculorum, aliorumque animalium mortuorum, similiter farinam offerebant: Ad pificationem accedentes, offerebant fluvio. Mulieres ad nuptias anhelantes, ibant ad campum aliquem, & ibidem in aliquo colliculo, lapidem aut baculum erigebant, coram illo farinam pariter offerentes; spatio octo vel plurium dierum, non nisi res

stomachum alterantes, & vomitum (reverendo) provocantes, comedebant, crudeliterque se flagellabant; dumque amplius hunc vivendi modum sustinere non poterant, & ex pinguibus beneque dispositis, totæ macilentæ, & alicui Megeræ similes evaserant, revertebantur domum plenè confidentes, quod primus vir occurrens eas sibi acciperet ac lodiculam sive stragulū bambacinum, eis præsentaret, tale enim munus præ cæteris æstimant. Hi & similes modi oblationum fiunt ab ipsis, absque aliqua speciali reverentia, neque enim ægrè ferunt, si ligna, lapides & alia, coram quibus offerunt pedibus terantur, vel conspuantur,

ur, sed habent eorum apposi-
 tionem tantum pro aliqua cære-
 monia. Ducem sive Capitaneū
 sibi eligere volentes, convenie-
 bant ad forum; illum qui insti-
 tuendus erat, nudum alligabant
 palo, virgisque ex spinis confe-
 ctis, insigniter excipiebant, post-
 ea coram illo ludicra, & facetias
 exercebant; & si neque his ad ri-
 sum, neque verbenbus ad fle-
 tum aut impatientiam moveba-
 tur, ipsum tanquam virum stre-
 nuum in Ducem acceptabant.
 Servant formam Regiminis &
 Reipublicę; si quid alicujus mo-
 menti tractandū occurrit, con-
 veniunt Seniores populi coram
 supremo Capitaneo, qui postea
 resolutionem coram omni po-

E s pulo

pulo publicat; est quæ eis hæc publicatio res magnæ authoritatis usquè in hodiernam diem.

*Quàm sedulo se dent Exercitijs
Christianis.*

A Quo verò sunt, per Dei gratiam, operâ nostrorum Fratrum ad fidem conversi, adeò sunt in exercitijs fidei ferventes, ut antiquos Christianos superent; dum audiunt pulsu campanæ ad Missam, aut Verbum Dei, signum dari, statim omnes cum magna modestia, & externa compositione ad Templum conveniunt; pueri & puellæ semper manè & vesperi valdè diligenter ad Catechesin accedunt. Cantores ad hoc deputati, & in
certos

ertos Choros divisi, statutis ho-
 is quotidie cantant Primam,
 ummum Sacrum & Vesperas,
 valde solemniter. Ad sacramen-
 alem Confessionem valde serio
 e disponunt : magnam obe-
 dientiam, reverentiam & affe-
 ctum deferunt Religioso, suo
 ministerio deputato : simul ac
 aliquis infirmatur, si præ debili-
 tate ipsemet accedere non valet,
 Religiosum advocari curat, con-
 fidens se sola ejus præsentia sa-
 nandum; si verò morbus inva-
 lescat, per Confessionem sacra-
 mentalem se ad benè morien-
 dum disponit. Et quia advertunt
 Fratres nostros tam promptè &
 sollicitè ipsis inservire, ac in o-
 mnī necessitate succurrere, plu-
 rimùm

rimùm ipsos diligunt, & pro pos-
 se necessaria, non solùm personis
 nostris, sed & Conventibus &
 Ecclesijs, magno amore & de-
 votione suppeditant. Vix credi
 posset, quàm aptè ac brevi tem-
 pore & Ecclesias & Conventus
 nostros exstruxerint, cum ta-
 men solæ mulieres ac scholares,
 pueri & puellæ, fabricis constru-
 endis applicentur; hoc enim pro-
 more habent prædictæ Natio-
 nes: viri verò nent & texunt stra-
 gula ex bambacio; venationi
 vacant, & ad bella procedunt;
 & dum aliquando volumus vi-
 ros ad fabrilia exercenda adige-
 re, confunduntur, & si acqui-
 escunt, mulieres illos exhibitant;
 sicq; quinquaginta, & ampliùs,
 Ec-

Ecclesiæ, affabrè & valdè pul-
 chrè extructæ sunt per mulieres,
 interioriusque picturis in parieti-
 bus, alioque ornatu optimè
 constitutæ. Sunt nihilominus
 in partibus modò optimi
 fabri, præcipuè lignarij, qui ex
 ignis (quibus montes ibidem
 abundant, & quidem optimis ac-
 caris) res pulcherrimas faciunt;
 aliarumque artium mæchanica-
 rum Magistri præclari, à Fratri-
 bus nostris artem edocti. Quod
 erò homines, antea tam sylve-
 tres & brutales, qui à 20. annis
 prius ad fidem converti cœpe-
 runt (majorque eorum copia
 prius ab annis octo baptizati
 sunt) adeò sint modò Religiosi
 in moribus, ut centennales Ca-
 tho-

tholicos longè superent, ad admirationem, & *Deum* laudandum maximè nos movet: dum enim nos Religiosos per vias & campos eminus adventare percipiunt, occurrunt, summoque amore ac reverentia nos suscipiunt, dicentes: *Benedictus sit Dominus noster, Jesus Christus.* Item, *Benedictum sit Venerabile Sacramentum.* si ad eorum oppida vel mansiones divertimus, offerunt nobis flores & ramusculos; piscibus alijsque ferculis, quæ habere possunt, maxima charitate nos tractant: Oppidi Præfectus seu Capitaneus adventum nobis gratulaturus accedit, magnas agens gratias, quod, cum simus Sacerdotes, ipsos visitare dignamur.

Ve-

Vestiuntur hi populi modò,
 stragulis Bambacinis, & pelli-
 bus, tam viri quàm mulieres, or-
 nantes se inauribus, dextrariolis
 & murenulis aureis; mulieres
 erò sua stragula exteriùs depi-
 cta & fimbriata, gestant.

Dum campana datur signum
 ad Ave Maria, omnes, ubicun-
 que reperiantur, in genua proci-
 unt, altâ voce *Beatissimam Virgi-*
em Mariam, tertio Salutatione
 Angelicâ invocantes, uti & ad
 agnum pro defunctis unum *Pa-*
ter noster, & *Ave Maria*, recitant.
 fiunt frequentes cum Venera-
 bili Sacramento Processiones,
 quibus tribuendū arbitramur,
 quod aër antehac adeò austerus
 & durus, ut ferri vix posset, mo-
 dò

dò sit valdè placidus, suavis & salubris. Sit Deus benedictus, qui per indignos servulos suos (humiles Fratres minores:) *Sanctissima Crucis* trophæum in diaboli Regnum invexit, & ex dæmonis mancipijs, filios *SI Romane Ecclesiæ* effecit, per hoc evidenter probans, se infirma mundi & contemptibilia eligere, ut fortia quæque confundat, ac consequenter opus suum esse. Sit à Deo benedicta V^a CATHOLICA M^{tas} cujus Regiâ munificentia tantum opus inchoatum est, & promovetur, & tot animarum millia (*Deo Auctore*) diaboli faucibus eripiuntur. Agimus divinæ suæ Bonitati infinitas gratias quod tantos spirituales ac tem-

po-

orales thesauros V^a M^{ti} pan-
ere fuerit dignata: Illosque In-
os pro tanti Benefactoris (qui
s media & instrumenta æter-
æ salutis consequendæ submi-
istravit) prosperitate, assiduè
rare docuimus, quod & fide-
er præstant. Cedat *Deo* omnis
onor & gloria.

Fertilitas terræ.

ST regnum hoc valdè fru-
giferum; granum (Indicè
Maiz, Hispanicè *Trigo de Indias*.)
mnisque generis legumina ter-
e mandata, maximo cum fæ-
ore recipiuntur: Melones, pe-
ones, cucumeres, caules, radi-
es, allium, cepæ, omnisq; gene-
s hortalitia habentur in abun-
F dan-

dantia. Uti etiam plurimæ frugiferarum arborum species, quæ ne longus sim, enumerare omitto : solum dicam, quod *pinnæ*, sive nûces pini, sunt multo majores quàm in Hispaniâ, corticesque fractu faciles. Magnæ demum terræ illius fertilitas vix ex hoc colligi potest, quod ex uno tritici, sive *Maiz*, modico terræ mandato, recipiuntur 120 vel 130. modij, & sæpè contingit, quod ex eodem agro non de nouò arato, aut seminato, sed solum irrigato, sequenti messe uberet fructus colligantur.

Venatio & Piscatio.

Tanta est sylvestrium animalium copia, ut infinita pæn

videatur. Cervi diversarum speciesum, aliqui magnitudinis unius magni muli, habentes etiam caudam mulo similem; alij similis magnitudinis, cum caudis uti cervi nostrates, suntque piosissimi: mediocris sive ordinariae magnitudinis cervorum, maxima multitudo: hi & cibum ordinarium, & vestes Indis suppeditant, norunt enim illorum pelles optimè parare, adeò, quod in civitate *Mexico* quinque vel sex *Pesos* (est certum pondus argenti, valens singulum octo Regalibus Hispanicis) vendantur: Cuniculorum & leporum non est numerus. Leones, ursi, lupi, vulpes, catti sylvestres, plurimi. Est ibidem species arietum sylve-

strium (Ibices esse putârim) ex-
 traordinariæ magnitudinis, ha-
 bentque cornua valdè crassa; h-
 citato cursu murum, editissimas
 que ac altissimas rupes conscen-
 dunt, ex quibus subindè vel lu-
 dentes, vel fugientes, se præcipi-
 tant, cadentes semper in caput
 statimque surgunt absque ulla
 lêsione, & quasi non cecidissent.
 Muli & æqui præstantissimi, in
 magna copia: uti & porci, om-
 nisque generis animantia; ex-
 ceptis vaccis & ovibus, quæ
 ex nova Hispania eò adduximus
 suntq; modò valdè multiplica-
 tæ, oves enim singulis partibus
 tres faciunt fœtus. Res est visu
 digna, quando Indi instituunt
 venationem generalem: conve-
 niunt

niunt enim illorum quatuor vel
 quinque millia; tum circum-
 dantes totum spatium per quod
 venari intendūt, paulatim, quic-
 quid in illo reperitur animalium
 sylvestrium, circulo non magno
 includunt; estque jucundissimū
 ubi simul videre tot bestiarum
 species diversas; tum ij qui ad
 hoc deputantur, ingredienti-
 bus circulum, occidunt, quod vo-
 unt, & occisa æqualiter inter o-
 mnes distribuuntur; Capitaneo
 tamen cæteris major pars cedit.

Piscium similiter magna est
 copia, in fluvijs, rivis, & torren-
 tibus, quibus terra abundat; præ-
 cipuè in flumine Septentriona-
 li; qui dum demissior, vadari po-
 test, equo usque ad sellam sive

ephippium intrante : subindè
verò valdè est profundus & ra-
pidus, præsertim cùm aquæ ex
nivibus resolutæ, defluunt.

Aëris temperies qualis sit.

TEmpore hyemis frigus est
intensissimum, congelantur
omnia flumina, ita ut equis &
curribus transiri possint, imò &
ipsum flumen Septentrionale.
Nives copiosissimæ. Reperiun-
tur passim Indi per vias mortui.
Hispanis præcipuè molestū tan-
tum frigus, nares, aures, manus,
pedes, læpissimè habēt congela-
tos. Præ cæteris tamen nos Reli-
giosi hoc incommodum sentim⁹,
dum hinc inde ad divina mini-
stranda, infirmosque visitandos,
re-

remotiores partes accedere de-
 emus : econtrà adeò est in æ-
 ate intensus calor, ut respirari
 x possit; ac proindè, hic, frigo-
 molestior : multò tamen ma-
 or in una quàm alia Provincia
 tæstus.

Natio APACHE.

Sufficient hactenus dicta ad
 intelligendam constitutione
 corum & oppidorum, *Novi*
Mexico, quæ in spatio centum
 ucarum, ad utramque Septen-
 tionalis fluminis ripã sita sunt.
 Modo ad præclaram Nationem
pache, qua aliæ prædictæ Natio-
 es unde quaque circumdantur,
 ccedendum est. In hac sola au-
 m dicere, frequentiore esse

populū quàm in totâ novâ His-
 paniâ, etiam comprehendendo
 Regnum Mexico. Sunt homi-
 nes longè à præcedentibus in-
 dole distincti, uti & loquela; ali-
 enim loquuntur suaviter & tra-
 ctim, hi verbis quasi scindunt.
 Sunt animo elati, bellicosi, astu-
 ti, insidiosi; nulla habent oppi-
 da vel domos, sed in tentorijs
 aut tugurijs morantur, habita-
 tiones suas mutantes pro oppor-
 tunitate venationis, ex hac enim
 vivunt: habent tamen singulæ
 mansiones deputatum sibi cer-
 tum terræ spatium, in quo *Maiz*
 sive triticum, aliaque semina &
 legumina pro sua sustentatione
 seminant: vestiuntur pellibus cer-
 vinis optimè paratis, & suo mo-
 do

lo ornatis, mulieres etiam valdè
comptè & honestè, vestitæ in-
cedunt.

Nulla habent Idola, imò & a-
lias Nationes ea habentes deri-
dent, *Solem* tamen colunt, licet
non omnes. Tothabent uxores,
ac possunt alere; quarum si ali-
quam adulterasse compererint,
præcisis (juxta leges suas) nari-
bus & auribus, inexorabiliter
à se rejiciunt. Superioribus suis
sunt valdè reverentiales, prom-
ptèque obedientes, filios suos
benè docent & castigant, quod
aliæ Nationes non faciunt: sunt
amantes veritatis; si quem verò
mendacij convincunt, habent
eū pro infami. Omnes uno idio-
mate utuntur, cum sint unius

Nationis, est quidem nonnulla hinc inde diversitas, propter longam ab invicem distantiam, non tamen tanta, quin possint omnes, tanquam unius linguæ, intelligi. Natio hæc, uti diximus, circumcingit prætactas Provincias *Novi Mexico*. Inchoando igitur à loco, qui dicitur *Apaches del Perillo*, donec per circulum ad eundem fiat regressus, intercedunt trecenta milliaria; totidem & ampliùs habet lateraliter versus occidentem usque ad *mare del Zur*: hinc ad Septentrionalem plagam vergit versus *Angustiam*, sive *Estrecho de Anian*: ab hac parte autem, hætenus finem invenire non potuimus.

Initium Conversionis APACHES.

Conversioni hujus Nationis,
 per *Dei* gratiam, initium de-
 i in parte Septentrionali, in lo-
 o ubi residebat Dux sive Capi-
 aneus *Quinia*, vir propter res in
 ello benè gestas, apud Indos fa-
 mosissimus. Illic primas *Cruces* e-
 exi, baptizatoque Capitaneo
 um uxore & liberis, reliqui ibi-
 em unum Religiosum ad con-
 ersionem prosequendam: ve-
 um, subditi rebellantes, minati
 ant, *Patrem* telis confodere sub
 catechesi, non tamen fuerunt
 usi eum occidere, sed locum
 nà omnes deferentes, relique-
 ant *Patrem* solum. Sic solet in
 principio conversionis ordina-
 riè

riè contingere. Discessit itaque
inde pro illa vice.

*Conversio APACHES DE XILA, &
notabilis discursus unius Ca-
pitanei.*

Proxima Nationi *Apaches de*
Perillo, est Natio *Apaches de XI-*
LA : distat hæc Provincia 14. mil-
liaribus ab oppido *S. Antonij de Se-*
nené, quod pertinet ad Provin-
ciam *Piros*. Placuit Deo quod su-
premus Capitaneus, nomine *Sa-*
naba, conversus antea fuerit per
meas conciones, quas frequen-
ter audiverat in *Senené*, & ipse me-
modò prædicabat populo sibi
commisso, quem paulatim to-
tum convertit, estque de præ-
senti ibi unus ex nostris Patri-
bus,

bus, ipsos in Cathechismo exercens.

Non possum silentio præterire id, quod mihi contigit in hac conversione. Dum versus *Xilame* conferre meditabar, venit ad me, usque in *Senecú*, prænominatus Capitaneus *Sanaba*, rogatus, ut suam Provinciam accedere vellem: qui, ferculis de paupertate nostra appositis, non nihil refectus, iussit uni servorum suorum, solveret fasciculum, quem secum tulerat, extraxitque ex eo pellem involutam, pulchrè paratam, quam mihi obtulit. Præsupponens igitur quod illam mihi donare intenderet, dixi, me nulla, ab ipso, vel alijs, munera velle, sed tantum,

ut

ut toto corde crederent in unum Deum, Dominum cæli & terre, ipsumque devotè adorarent. Tum suaviter subridens, rogavit, pellem evolvere, & viderem quid in eâ lateret: feci, & vidi pellem interiùs valdè albam, & in eâ viridi colore depictum Solem cum Cruce desuper; sub Solè verò, figuratam griseo colore Lunam, similiter habentem Crucem super impositam: dumque rogarem, quid sibi vellet hæc pictura? Respondit: Pater, hucusque non agnovimus majores benefactores quàm Solem & Lunam; Sol enim lucet nobis per diem, calefacit nos, & producit herbas & plantas: Luna suo lumine nobis servit de nocte; & pro-

propter hæc magna beneficia illos adoravimus, putantes benefacere : à quo verò ex te audivimus, esse *Deum*, qui creavit *Solem* & *Lunam*, omniaque alia, *Crucem* verò, esse signum illius *Dei*, curavi depingi *Crucem* supra *Solem* & *Lunam*, ut intelligas, quod velimus nos accommodare tuæ doctrinæ, nobisque modò nihil adeò esse cordi, quàm *Deum* & suam *sanctam Crucem* adorare. Sit *Deus* per omnia benedictus. Non verint soli illi, qui aliquando conversionibus infidelium vacârunt, quantam *Servus Dei* sui que sancti Verbi Minister, concipiat corde spirituales lætitiâ, quantum in anima solatiû, percipiens tales sui seminis fructus, quam-

quamque benè impensos æstimet labores, molestias & pericula, quæ tali de causa subivit. Ex hoc solo factò licet colligere, quàm dociles dederit *Deus* animos huic Nationi: quis enim naturalis Philosophus conceptum suum de *Deo omnium Creatore, Salvatore & Domino*, meliùs potuisset adumbrare, aut figuris exprimere? Sit *Deus* iterum benedictus.

Conversio Nationis APACHES DE
NAVAJO.

QUinquaginta milliaribus, vel circiter, versus Septentrionem à Provincia *Xila*, occurrit Provincia *APACHES DE NAVAJO*; cujus incolæ quidem sunt ejusdem Nationis, subjecti tamen

en alteri supremo Capitaneo,
 abentque alium modum vi-
 endi. *Apaches Xila* enim, non co-
 nt aut seminant agros, sed ex
 enatione vivunt; (licet modò
 er nostros edocti, terram cole-
 incipiāt) at verò *Apaches de Na-*
yo agriculturam optimè cal-
 nt. Hæc præ cæteris *Apaches*
 rovincia bellicosissima est, uti
spani experientiâ didicerunt,
 ique inter illos animi, ac valo-
 probandi, materiam invene-
 nt. Extendit se ad 50. vel 60.
 illiaria, estque plena *fodinis Alu-*
nis. Et quia omnes circumja-
 ntes Nationes Christianæ ad
 cturam propendent, vestes
 e suas, sive pelles, exterius de-
 ngunt, ac proinde *Alumine* tem-

perandis coloribus indigeant
hoc verò, non nisi ex prædicti
fodinis, sive montibus haberi
possit: hinc magna inter illos
bella. Christiani enim Indi, dum
pro accipiendo *Alumine*, egre
diuntur, jungunt se ad minùs
duo aut tria millia virorum, con
tra quos hostiliter egrediuntur
illi *Apaches de Navajo*, ac inter se
crudeliter conflagunt, fitque ut
plurimum utrinque magna strage;
nisi veniant Christiani, tem
pore quo *Apaches* ratione vena
tionis absunt à suis mansioni
bus: si tamen domum redeun
tes percipiant, *alumen* sibi à Chri
stianis ablatum, ex professo ad
vindicandam hanc injuriã, con
tra eos formato exercitu in cam
pum

um procedunt : 'estque tanta
 ellantium apud istos *Apaches*
 opia, ut duorum dierum spa-
 o, ultra triginta mille viros, ar-
 & sagittis instructos, congre-
 are possint. Habitant in caver-
 s, locisque subterraneis; ubi
 iam sua frumenta, tanquam in
 orreis, recondunt. Anno verò
 æterito 1629. mense Septem-
 i, Deo ita misericorditer dispo-
 nte, incepti huic Nationi præ-
 care *Verbum Dei*; & curavi ex-
 ii unum Conventum *S. Clare*
 rum, in oppido *Capoo*, natio-
Teoas, quod est illis *Apaches*
 cinum, ac consequenter eo-
 m injurijs, ac hostilitatibus
 aximè expositum; intentio
 tem mea fuit, inter illos con-

ciliare pacem & amicitiam, occasioneque nancisci, ad agendum cum illis infidelibus, & *Verbum Dei* seminandi. Quàm verò è sententia res successerit, spero V. M^{ti} non erit grave intelligere.

Mense igitur Septembri, præteriti anni 1629. residens in prædicto, recens per me erecto Conventu in oppido *Capoo*, & advertens nullum ex *Apaches Navaj* eò accedere, cum quo possent amicè agere, eum benè tractare & cum satisfactione à me remittere ad suum Capitaneum, cum hoc de pace inter nos in eunda tractaret: proposui e mittere duodecim ex nostris *Indis Catholicis*, viros intelligente & cordatos; & in hunc finem

con-

convocavi omnes Capitaneos
 & Seniores populi, eisque aperui
 mentem meam de querenda op-
 portunitate ad componendam
 hanc pacem, eaque mediante
 conversionem illius gentis pro-
 movendam. Placuit omnibus
 propositio, & denominantes
 duodecim viros mittendos, u-
 num illorum cæteris capacio-
 rem, & in rebus agendis dexte-
 rorem, *Capitaneum* designarunt,
 qui præcipuas partes in legatio-
 ne ageret, & symbola (pro more
 eo) pacis tractandæ exhiberet:
 præter hæc, *Sagitta*, quæ lo-
 cus cuspidis habebat plumam
 coloratam, & *fistula* ad haurien-
 dum, vel (ut ajunt) bibendum,
 & *fumum*, *Tubacum*, sive *Necoria-*

nam, jam hauriri inchoatam. *Sagitta* quidem Capitaneo vel Legato datur, ut, dum appropinquat mansioni hostium, est quæ in illorum conspectu, hanc in illos jaciat, in signum pacifici accessus, cum lædere non possit, cuspide destituta; *fistula* verò, amicum amicabiliter propinandum in vicem. Commisi & ego Capitaneo meam pacis thesseram, videlicet *Rosarium Beatissimæ Virginis*, quod Capitaneo *Apaches* meo nomine præsentaret, ac meum desiderium cum Ipso super hac pace tractandi insinuaret. Resoluta est hæc Legatio in Vigilia *Sacrorum Stigmatum Beatissimi nostri Patris Francisci*, quod occurrit 17. Septembris, ac proinde monui, ut al-

altera die ante discessum sacro
 Missæ officio præsentés se exhi-
 berent, *Deum* pro fœlici rei suc-
 cessu, & *S. Franciscum*, ut suo Pa-
 rocinio illam promovere di-
 gnaretur, devotissimè oraturi,
 atque ex tunc Seraphico nostro
 Patri illam Provinciam ejusque
 conversionem dedicavi. Die igitur
 festo, Sacrum, non solum
 legatis, sed & toto populo de-
 votissimè præsentè, solemniter
 recantatum fuit, eoque finito
 legati, petitâ priùs humiliter
 pro ea Benedictione, ex ipso tem-
 plo immediatè, itineri se dede-
 runt, optimè animati & resoluti.
 Novit *Deus* anxietates, quas pa-
 tebar considerans periculum,
 cui boni homines exponeban-

tur : firmā nihilominus in *Deum*
spem & fiduciam habebam, sua
opem & protectionem non illi
defuturam.

Ut igitur ad hostium, qui in
prima mansione erant, conspe-
ctum Legati devenerunt, jeci
Capitaneus commissam sibi *Sa-*
gittam: (erat autem tunc ibi, ca-
su, *supremus Capitaneus*, vir insignis
& cognatus *Cazique* (hic super o-
mnes, etiam supremos Capita-
neos, imperium habet) eā solū
intentione, ut militem ad inva-
dendos copioso exercitu in pro-
ximo Christianos, colligeret :
cui similis teli emissionē respon-
dit hostis ; tum lento gradu a-
invicem accesserunt : & dur-
jam propinquiores facti, mutu-

lo-

loquentes intelligere possent,
 deposuit Capitaneus noster, Ca-
 pitaneo *Apache* suam Legationē,
 ipsi haustum *Tubacci fistula* propi-
 nans : tum obtulit ei meum *Rosarium*, & quia nunquam simi-
 le quid viderat, rogavit, quid si-
 bi vellet, quod unum filum tot
 granis insertum esset : Legatus
 noster, ex tempore, ingeniosè
 valdè respondit: quod quia plu-
 res numero essent eorum Capi-
 tanei; *Pater* plura voluerit simul
 mittere grana, ut singuli singula
 in symbolum suæ amicitiae, ac-
 cipere possent : quæ Responsio
 Capitaneo multum placuit. His
 ita peractis, Capitaneus, præmis-
 so profundo suspirio, respondit:
 se valdè dolere de ipsorū adven-

tu; pacem, quam offerebant
 (quia bona) non quidem esse re-
 spuendam; sed quod plurimum
 à Christianis offensus, jam insi-
 gnem de ipsis vindictam sumere
 decreverat: pacem nihilominus
 se & velle, & acceptare. Missis
 deinde ad suum *Cazique*, & *Sagitta*
 & *fistula*, meum sibi Rosarium
 retinuit, colloque appendit. Et
 quia prodicionis aliquam suspi-
 cionem habebat, dixit ad no-
 stros; quod ipse quidem nomi-
 ne omnium suorum, similiter
 pacem nobis daret, vellet ta-
 men à me & omnibus Capita-
 neis Christianis, personaliter cer-
 tior fieri, an veraciter etiam illā
 cum ipsis intenderent; ac proin-
 de se nostrum oppidū accedere
 resolvissē.

De

De hoc per aliquem nostro-
rum certior factus, misi ipsi in
occursum ultra mille quingen-
tas personas: Ego verò in Eccle-
siâ nostrâ adventum ejus præ-
stolabar, quam optimè ornari
curaveram, plurimaque lumi-
naria accendi, erant enim tene-
bræ dum adventabant. Et quia
Natio hæc superba est, animo-
que elato, visum fuit Capitaneū
hunc, suosque comites, alio modo
suscipere, quàm aliæ Nationes à
nobis suscipi solent: Solemus e-
nim in primo accessu moribus
ipforum nos accommodantes,
unà cum ipsis humi sedere: hunc
stylū hac vice, prædicta de causa,
mutans, feci mihi poni sedem
super tapetem ante altare, in qua
se-

sedens ipsum expectabam. Præcedente itaque tota turba populi, Ipse cum quatuor suis Capitaneis, inter Capitaneos nostros ab utraque parte ipsos stipantes, procedebat. Dum jam omnes templum ingressi erant, accessit supremus Capitaneus Christianorum, & ad pedes meos provolutus, illos deosculabatur; nesciebam quidem hoc futurum, non tamen multum abnui, in hac occasione insolitam hanc cæremoniã admittere: ejus exemplum cæteri Capitanei, etiam exteri, secuti sunt: Tum *supremus Capitaneus Apaches* salutatione præmissa, mihi ait. Capitanei vestri, hîc præsentés, ad me venerunt, offerentes nobis vestro

stro & aliorum vestrorum Capitaneorum nomine, pacem & amicitiam: volui itaque in persona venire pro habenda maiore huius rei securitate. Quo audito prodijt in medium Primarius Oppidi Capitaneus, ipsique obtulit proprium suum *arcum & sagittas*, dicens; coram *Deo in altari existente*, & hoc suo Presbytero, trado tibi arma mea, in fidem verbi mei, quod in æternum pacem inter nos initam nolim violare: hisque dictis arcum & sagittas posuit in altari: utque ipsi constaret totum populum idem sentire, clarâ voce illum interrogavit; an ejusdem essent sententiæ; acclamaverunt omnes unanimiter; ita, ita. Statim supremus

mus *Capitaneus Apache* è pharetra sua protulit sagittam habentem acutissimam cuspidem ex filice albo, altâ voce coram omnibus dicens: Ignoro quis sit is, quem *Deum* tuum nominas, quia tamen in confirmationem verbi tui, & fidei servandæ, testem illum invocas, debet esse persona magnæ potentiæ auctoritatis & bonitatis; ac proinde eidem *Deo*, quisquis ille sit, do verbū meum & fidem meo, & omnium meorum nomine, mediante hoc telo, quod ad manus *Patris* hujus configno, quod nec ego, nec ulli nostrum, initæ inter nos paci & amicitiae, unquam simus defuturi. Ego igitur accipiens sagittam, dixi, si vellet à me audire,

dire, quisnam sit ille *Deus noster*,
 cui ipse etiam ex nunc veritatem
 verbi sui consignarat, quod in-
 dubiè cum voluptate illud esset
 intellecturus. Quo annuente,
 paucis ei declaravi, *Deum nostrum*
 esse Conditorem & Dominum
 omnium creaturarum: qui ut
 nos ab æternis tormentis libe-
 ret, homo factus pro nobis in
Cruce mori voluit; mysteriaque
 passionis Domini in altari depi-
 cta ipsi digito designans, sub-
 iunxi, quod omnis, qui in illum
Deum non crederet, & in nomi-
 ne ejus baptizatus non fuerit,
 ipsumque adoraret, in omnem
 eternitatem esset infernalibus
 flammis torquendus. Statim ap-
 paruit in viro effectus *Verbi Dei*,
 pro-

profundum enim emittens sus-
 pirium, ad populum conversus,
 magno spiritu & elatâ voce ait:
O Teoas, invideo vobis vestram
 fælicitatem, quod habeatis, qui
 vos doceant, quis sit *Deus*, pluri-
 maque alia bona; & nos eôn-
 tra per montes & sylvas erran-
 tes, instar cervorum, leporum,
 aliarumque bestiarum, vivimus
 & morimur: ex nunc dico, me
 illum *Deum*, de quo *Pater* locu-
 tus est, adorare, & ejus amore
 pacem inter nos initam tantò
 firmiùs servaturum; prorum-
 pensque in lacrymas, voluit ge-
 nuflexus pedes meos oscula-
 ri; ipsum verò elevans, amorosè
 sum amplexatus, quod & simi-
 liter fecerunt omnes Capitanei
 Chri-

Christiani. Statim mandavi pul-
 lari omnes campanas, tubas,
 & varia instrumenta musicalia,
 quibus fuit summè oblectatus,
 nunquam enim eousque simile
 quid audierat. *Tela sive Sagittas*
 ad altare suspendi curavi, in tro-
 phæum *Verbi Dei*, licet à me in-
 dignissimo ejus ministro prola-
 . Et postquam ad dandas *Deo*
audes & gratiarum actiones
 populum admonui, eduxerunt
 capitanei Christiani *Supremum*
Apaches cum suis ad convivium,
 quos & ego pro nostra pauper-
 te tractavi.

Alterâ die (quæ erat Sabba-
 ti) manè: dum daretur signum
 ad solemne Sacrum, in hono-
 rem *Beatissimæ Virginis Mariæ*, vi-
 dens

dens *Apache* totum populum
ad templum se conferentem
accessit & ipse cum suis; intelli-
gensque me *Alphonsum* vocari, ro-
gavit & sibi illud nomen per-
mitti: dixi, dum se baptizari pe-
teret, nomen hoc sibi imposi-
tum iri; omnes tamen nihilo-
minùs illum deinde *Don Alonso*
nominârunt. Parabam me ad
Missam, assumens pretiosissima
ornamenta, quæ aderant; mi-
rabatur porrò ipse, advertens
totum populum in templo ge-
nuflexum tam devotè expecta-
re. Ante *Missæ* principium, ali-
quos Indorū matrimonio jun-
gebam; & licet infideles plures
uxores habeant, placebat tamen
illi mos Christianorum de una
tan-

ntum assumenda, & quod
 utuam sibi fidem promitte-
 nt in præsentia *Dei*. Dum igitur
 ad Celebrationem acceden-
 m mihi erat, dixi ad *Apache*,
 illi qui sacrum *Baptismum* non-
 m suscepit, licitum est *Deum*
 o *Missâ* videre, quod propterea
 gnaretur interim aliquantu-
 m ambulatū egredi: ad quod
 e: se tam esse Christianum,
 umq̃ tam ex intimo corde ado-
 e, ac aliquis illorum qui ade-
 nt, se proinde etiam velle *Deum*
 lere; & licet replicarem defe-
 a *Baptismi* id fieri non posse, no-
 t tamen egredi, omnibus ve-
 suis emissis ipse solus reman-
 Ne igitur offenderetur, man-
 vi Cantoribus musicè, adhi-

bitis instrumentis, solemniſſimam
 Añam *Salve Regina* decantarent
 & ego assumptis ornamentis ante
 te Altare collectam convenien-
 tem, Antiphonâ finitâ, cecini
 postea ad populum conversus
 sedens eodem loco, denuò de
 mysterijs Creationis & Redem-
 ptionis mundi, sermonem habui,
 quo fuit magis ac magis
 fide confirmatus, plurimumque
 consolatus.

Advenerant, ut *Missæ* Sacrifici-
 cio interessent quidam *Hispani*
 quod intelligens *Apaches*, dixit,
 cum illis etiam pacem, qualem
 cum *Teoas* jam concluderat, vel-
 lere inire: dedit itaque per manus
 meas uni Capitaneo Hispano,
 signum inviolabilis fœderis, *Sig-*
gittam;

tam; Hispanus reciprocè extra-
 um gladium ipsi tradendum,
 hi consignavit; utrumque
tari impositum: fuitque hoc
 m Hispanis foedus similiter
 mpanarum, tubarum, ac mu-
 alium instrumentorum sono,
 emnizatum, quod *Apache* su-
 a modum placuit; dixit enim,
 vel ex hoc fidei nostræ veri-
 tem colligere, quod illam tam
 lchris cæremonijs celebrare-
 us, ipsi verò viverent ut ani-
 alia sylvestria. Tunc ipsum per
 quos Capitaneos Christianos
 omum suam deduci curans,
 issam corā populo legi; quod
 stea rescians, ægrè tulit, eò
 od desideraverat *Deum* in *Mis-*
 videre.

Mansit ibi cum suis, per tres
 aut quatuor dies, auscultans
 cum devotione & affectu illa
 quæ tractabantur de fidei no-
 stre mysterijs, notansque læt-
 tiam spirituales in Catholicis
 præcipuè tamen ipsum & alios
 movebat consideratio, & timor
 poenarum inferni, quas ut eva-
 derent & ipsi, & ipsorum ux-
 ores ac liberi, totaque ipsorum
 Natio, omnibus modis vel
 Christianos fieri, protestaban-
 tur: Serio me proinde rogaba-
supremus Apache, ipsorum mansio-
 nem accederem, & ibidem ma-
 nerem, saltem ad decem dies
 quatenus meâ prædicatione po-
 pulo suo innotescerent ea, quæ
 apud *Teos* ipsi ex ore meo pe-
 ce-

ceperant: adeò enim (inquire-
bat) sunt mirabilia, quod non
possemus ea effari, neque etiam
nobis talia dicentibus credere-
ur. Discessit tandem cum suis,
intentione revertendi post *sesqui*
Lunam (per *Lunas* enim tempus
computant) & pro stabilitone
nitæ pacis, adducendi omnes
mulieres & pueros circumja-
centium mansionum, advehen-
tique magnam quantitatem *pel-*
ium & *aluminis*, ad instituendas
mundinas ad tres dies, ut hoc
modo acquirerent mutuam no-
tiam & amicitiam. Ipfis verò
de Natione *Teoas*, ex tunc con-
cessit licentiam venandi per ter-
ras *Apaches*, eosq; accedendi pro-
hibitu suo, promittens eis omnē

securitatem & amicitiam; quam
 & effectu compererunt: imò &
Apaches de tua venatione illis par-
 tem dabant, dum occasio ade-
 rat. Conversionem hanc & pa-
 cificationem prosequitur Reli-
 giosus quidam ex nostris, vir
 magni spiritus, qui me meliùs
 (uti confido) illam ad optatum
 finem noverit deducere. Habet
 Provincia hæc *Apaches de Navajo*,
 latitudinis 50. milliaria, & am-
 pliùs, longitudinis verò ultra
 300. imò nec finem ejus hæc-
 nus scire potuimus. Et quia Na-
 tio hæc est bellicosa & copiosa
 (habet enim, quantum hucus-
 que indagari potuit, ducenta
 millia & supra, habitantium) de
 hac præ cæteris metuere sibi ha-
 bet Regnum *Novi Mexico*.

APACHES VAQUEROS.

Relicta modo Provincia *Apache Navajo*, ad aliam APACHE VAQUEROS accedamus, declinando ad dexteram versus Orientem. Hæc se extendit ad 150. Leucas, usque ad *Apaches del Perillo*, ubi denuò fit accessus ad Novum Mexico. Natio hæc à *vaccis* nomen accepit, *Vaqueros* enim Hispanicè, Latinè *Bubulos* significat; sunt namque omnes illius Provinciæ inhabitatores pro majori parte *Bubuli*, sive vaccarum & boum pastores. Vaccæ illæ sunt nostratibus in magnitudine pares, in forma verò valdè dissimiles; habent enim breviora crura, pectus & dorsum in-

H 5 cur-

curvum & quasi gibbosum, cornua parva, acuta & erecta, in fronte crispas crines, adeoque longos, ut visum illis impedian, coloris fusci, vel planè nigri, raro maculosi: caro, nostrarum vaccarum carne, sapidior & sanior; butyrum multò melius, non mugiunt, sed instar porcorum grunniunt; pilos per totum corpus similiter crispas habent, instar lanæ, ex quibus fiunt pulcherrimi panni, ac pilei pretiosi: hos pilos singulis annis mutant, remanentque dispersi per campos, ventoque illos impellente, reperiuntur in maxima quantitate juxta arbores, & in angulis ac rimis terræ, possetque aliquis illos colligendo ditescere, sed ab
in-

incolis negliguntur. Volui ita
fusè de his animalibus tractare,
quia est infinita illorum copia,
& præcipua illorum hominum
sustentatio.

Extendit se hæc Provincia *A-
paches Vaqueros* in longitudine (ut
dixi) ultra 150. Leucas, in latitu-
dine verò centum Leucas exce-
dit, estque terra tentorijs ac
mansionibus undequaque ple-
nissima, populusque innumerus.
Hujus Nationis conversio prin-
cipium habuit (*Deo* ita miseri-
corditer disponente) ex bono
odore Religiosæ conversatio-
nis *Fratrum nostrorum*, eò quod
adeò charitativè vicinarum Na-
tionum necessitatibus succurre-
rent, tamque humaniter cum
ipsis

ipsis agerent. Promovit hoc ne-
 gotium, quod ipsorum Præfecti
 five Capitanei intellexerint His-
 panos in civitate *Santa Fé* five
 Sanctæ Fidei, habere *Matrem Dei*:
 erit hæc imago sculpta, repræ-
 sentans *Matrem Dei habentem in si-
 nu Filium de Cruce depositum*, quam
 ego eò advexerã, asservabatur-
 que pulchrè deornata, in quo-
 dam Sacello: venerunt itaque
 dicti Capitanei ad illam civita-
 tem, desiderio videndi *Matrem
 Dei*, & tantam erga illam conce-
 perunt devotionem, ut ei pro-
 miserint, se velle fieri Christia-
 nos: nominatim supremus Ca-
 pitaneus, qui illam valdè devo-
 tē suo more est allocutus. His
 bonis principijs invidens huma-
 ni

ni generis hostis, suscitavit Gubernatorem nostrum Hispanū, hominem cupidum & avarum, qui ad illos *Apaches Vacqueros* misit Valentem quendam Capitaneum Indum, summum illius Nationis adversarium, ut ex eis adduceret captivos quoscunque posset, pro mancipijs in nova Hispania pretio vendendos. Contigit, quod infernalis hic minister irruerit in partem, ubi morabatur bonus ille supremus Capitaneus, qui *B. Virgini* apertis verbis, se Christianum fieri velle, promiserat: hic *Rosarium* à collo pendulum, quod ei dederam, protendens, rogabat, amore *Matris Dei*, ne ipsum occideret; non potuit tamen efferatum Tyranni

ni animum aut verbis aut precibus flectere; cumque se Capitaneus, ut poterat, defenderet, hunc, pluresque ex suis crudeliter peremit; & cum aliquibus captivis ad Gubernatorem remeavit: qui ob magnam alterationem in Regno hac de causa exortam, noluit illos accipere, valde se offensus, propter factum illud Capitaneo Indo, simulans. Hac de causa tota illa Provincia in nos insurrexit: Sint tamen *Deo* laudes, paulatim per nostros Fratres informati de illius commotionis causa, ad pristinam in nos devotionem, ac fidei suscipiendæ desiderium, reducuntur.

Ex prædictis aliquo qualiter sufficiens

ciens haberi potest cognitio hujus Nationis *Apaches*, quæ (uti dictum est) oppida *Novi Mexico* ad ripam utramq; fluminis Septentrionalis sita, ejusque Provincias five Nationes, videlicet *Teoas*, *Taninos*, *Hemes*, *Toas*, *Piros*, *Tompiras* & *Queres*, undequa; cingit, & quaqua versus lateraliter, ad Orientem, Occidentem, Septentrionem & Meridiem, adeò latè se extendit, ut illius terminos pluribus in partibus hactenus ignoremus. *Aeris temperies*, illis in partibus, est *Novi Mexico* similis, hyeme valdè frigida, æstate intensè calida. Det *Deus* incrementum femini, quod illic per nostros pauperculos Fratres terræ rationali (si tamen rationalis) summa dili-

diligentia, nullisq̃ue parcendo
laboribus, mandatur.

Miraculosa conversio Nationis

XUMANA.

PRænominata civitas *Santa Fé*,
quæ quasi umbilicum *Novi*
Mexico constituit, est sita ad alti-
tudinem 37. graduum: ab hac
civitate per *Apache Vacqueros* pe-
tendo Orientem, ad centū duo-
decim circiter Leucas, venit
ad Nationem XUMANA, cujus
conversio, quia adeò miraculo-
sa, particulariter recenferi me-
retur. Aliquot ab hinc annis,
dum *Pater Joannes de Salas* in con-
versione Nationum *Tompiras* &
Salineros, quarum limites sunt
contra *Xumanas*, versaretur, casu
con-

contigit, quod in quodam colloquio habito cum *Xumanis* diceret: *Homines, qui pauperibus bene faciunt, esse bonos*: ex tunc cœperunt illi *Patri* affici, instantes ut inter ipsos morari dignaretur; cui petitioni, licet pro tunc non posset annuere, (quia *Indi* ab eo recens conversi operâ suâ carere non poterant) alebat eos nihilo minus spe in futurum, dum plures ipsi cooperatores adessent; bonam interim cum ipsis tenendo correspondentiâ, qui & eum crebrò invisebant. Dum itaque *Deo* inspirante placuit *M^{ti} V.* anno præterito, videlicet 1629. triginta alios ex *Nova Hispania* Ordinis nostri Religiosos ad illas partes, sub conductu *Patris Stephani*

de Perea, destinare, statim prænominatum *Patrem Joannem de Salas*, unà cum *Patre Didaco Lopez*, ad dictam Nationem *Xumana* ablegare resolvimus: aderant quippe ab illa Natione aliqui deputati, qui illos conducerent. Hos dum aliquando interrogaremus, quare adeò instanter, tantoque affectu nos requirerent? *Mulier* (ajunt) *quædam illi similis, quæ ibi depicta pendet* (erat effigies *Matris Ludovicæ de Carrion*) nobis assidue nostro idiomate prædicat, quod Patres advocare debeamus, ut nos instruant & baptizent, neque in hac parte segnes esse debere: addentes insuper, quod quidam habitu mulier illa, esset effigiatae persimilis, vultu vero venustior & junior. Idem affirmârunt quot-

quotquot ejusdem Nationis In-
li, successivis temporibus ad no-
tros Patres adventantes, ean-
dem effigiem inspexerunt.

Diabolus verò prævidens per-
cessum Patrum ad illam Na-
tionem, prædam, quam tamdiu
pacificè possederat, sibi in proxi-
mo eripiendam, conatus est illos
à suis sedibus deturbare,
exsiccando rivos & lacus, ex
quibus & homines & bestiaë po-
tum suum haurire solebant; un-
de contigit, vaccas & alia anima-
lia circumcirca pascentia, de qui-
bus homines sustentabantur, ab
illis partibus recedere. Insuper
per servos suos Veneficos, popu-
lo persuadere nitebatur, frustra
illos expectare Religiosos, qui

jam sex annis præstolati non ve-
 nerant; ac proindè ni fame & siti
 perire vellent, sibi aliò migran-
 dum esse; ad quod jam resoluti
 erant, mandato accepto à suis
 Capitaneis, ut levatis & compli-
 catis tentorijs, in crastinū sum-
 mo manè migrationi accingere
 se deberent. *Deus* verò, qui suis
 non deest, illo manè ante dilu-
 culum misit ad singulos illorū,
 famulam suam *Ludovicam de Car-*
rion, quæ ipsis nunciaret, Religio-
 sos diu expectatos & requisitos,
 jam in procinctu esse, quod pro-
 pterea à loco in quo erant, non
 recederent. Communicato ita-
 que consilio, resolverūt duode-
 cim ex Capitaneis, quibus ma-
 gis fidebant, exploratum mitte-
 re,

re, an res ita se haberet; qui tertio
 die Religiosis occurrentes, illicò
 effigiem fœminæ, quæ illis præ-
 dicabat, monstrari sibi postulâ-
 runt. Produxit itaque *Pater* effi-
 giem dictæ *Matris Ludovica*, quam
 attulerat; quâ visâ, dixerunt, eo-
 dem quidem modo esse vestitâ,
 formosiorē tamen & junio-
 rem sibi apparere solitam: nullâ-
 que factâ morâ, ad suos remeâ-
 runt, de adventu Patrum expe-
 ctatissimum suis nuncium datu-
 ri. Hoc igitur accepto, tota acies
 ipsis obviam processit, præce-
 dentibus *duabus Crucibus*, ita enim
 facere se debere, cælitus edocti
 erant. Occurrentes itaque huic
 catervæ *Patres*, visis cum admira-
 tione *Crucibus*, humi prostrati, il-

las adorârunt; quod & fecerunt
tres milites ipsos comitantes:
Cruces porrò, quas è collo pen-
dentes *Patres* gestare solent, in
manus suas accipientes, Indis
monstrârunt, qui similem illis,
genuflexi, reverentiam exhibue-
runt; uti similiter pulcherrimæ
imagini sculptæ, *dulcissimi pueruli*
JESU, illius pedes devotissimè &
oribus & oculis suis admoventes,
quod non parùm nostri mirabantur.

Igitur *Pater Joannes de Salas*, turbam hanc (*decem millium hominum, & ultra*) alloquens, interrogavit, num sacrum *Baptismum* suscipere vellent; Responderunt nomine omniũ Capitanei, se illa de causa eò venisse, & *Patres* advocâsse.

Vel.

Vellem nihilominùs (subjunxit
Pater) ab omnibus & singulis
certum hujus mihi signum dari;
& quia ore tenus hoc à qualibet
persona intelligere in tanta ho-
minum multitudine moraliter
impossibile foret, significetur
ipsis, ut omnes, qui *Christiani* fieri
desiderant, in loco suo subsisten-
tes, brachium in altum elevent;
quod, ubi eis intimatum fuit, ex-
templò omnes brachia erexere,
altissimisque vocibus baptizari
se velle exclamârunt: Et (quod
maximè nostros movit) matres
parvulorum uberibus suis adhe-
rentium brachiola in altum le-
vabant. Magna virtus gratiæ &
Verbi Dei.

Duo prædicti *Patres*, videlicet

P. Joannes de Salas, & P. Didacus Lopez, permanferunt apud ipfos aliquot diebus, prædicantes eis affiduè *Verbum Dei*, instruentes in omnibus necessarijs ad credendum, docentesque orationes Christianas; confluente affiduè summâ aviditate tota multitudine. Interim advenerunt eò *Legati*, missi ab alijs adjacentibus Nationibus, instantes plurimum ut & illos instructuri accederent, quia etiam inter ipsos versabatur & prædicabat sæpe nominata *Famula Dei*. Patres igitur videntes se non sufficere tantæ messi, percipientes etiam homines illos esse voluntarios ad extruendas Ecclesias, sibi que fixas mansiones; resolverunt ad
lo-

locum, ubi nos eramus, se conferre, tam ut plures sibi adsciscerent cooperatores, quàm ad acquirenda omnia ad fabricas necessaria. Antequàm igitur itineri se committerent, *Pater Salas* totam turbam in unum congregatam serìò admonuit, ut durante ipsorum absentia, quotidie accederent ad locum, ubi *Crucem* erexerant, uti modò edocti erant, illicque devotas ad *Deum* preces funderent; in omnibus suis necessitatibus ad *sanctissimam Crucem* refugium haberent, plenè confidentes, *Deum* per illam devotè invocatum, omnibus suis necessitatibus adfuturum: Ad quæ *supremus Capitaneus* respondit his verbis: *Pater*, hæcenus nihil possumus

I 5

sumus apud *Deum*, sumus enim
 adhuc tanquam cervi & anima-
 lia sylvestria, vos verò apud *Deum*
 & *sanctam Crucem* plurimùm vale-
 tis; sunt apud nòs multi infirmi,
 illos sanate ante vestrum disces-
 sum. Erant autem (*Deo* ita for-
 san pro maiore sua gloria per-
 mittente) ægroti inter illos plu-
 rimi. Ab hora itaque tertia po-
 meridiana, per totam noctem,
 usque ad horam decimam se-
 quentis diei, adduxerunt assidue
 suos infirmos, cœcos, claudos,
 paralyticos, &c. ad dictos *Patres*,
 qui stantes unus ab uno latere,
 alter ab altero, per signũ *Crucis*, *Le-*
ctionẽ Evangelij, *Loquente Jesu*, Mar.
 16. & duarum *Collectarum*, una in
 honorem *Beatissimæ Virginis Mariæ*,

Con-

Concede nos, &c. & altera sanctissimi
Patris nostri Francisci, Deus qui Eccle-
siam, &c. in momento omnes
 sanos dimittebant. Benedictus
 Deus qui per manus paupercu-
 lorum fervorum suorum tan-
 ta miracula operari dignatus est.
 Ordinemque nostrum sacerri-
 mum tantoperè honorare, ad
 gloriam suam, suæque sanctæ
 Ecclesiæ propagationem. Sta-
 bant attoniti boni Patres, uti &
 milites eorum comites, præ tan-
 tis prodigijs, *Deum* assiduè lau-
 dantes: sed & per hos plura mi-
 racula eadem occasione *Deus* pa-
 trare dignatis fuit. Tanta erat co-
 pia miraculosè curatorū, quod
 præ multitudine numerari non
 potuerit. Tantamque exinde
 po-

populus ille erga *salvificam Crucem* concepit devotionem, ut statim quilibet eam in summitate tentorij vel tugurij sui collocârit, affiduamque sibi omni tempore & loco comitem deinceps habuerit. Sit *Deus* millies benedictus.

Ex dictis apparet, an inutiles ex facerrimo Ordine nostro, Verbi Dei Ministri (hi enim soli hactenus in vinea illa laborant & fructificant) de mandato M^{ti} V. ad illas infidelium partes fuerint destinati. Apparet, an otiosè panem suum comederint, qui nullis parcentes laboribus, nulla timentes pericula, tantæ conversioni tam prosperum dedere principium, ut paucotempore,

pore, in spatio solùm centum
 Leucarum, supra octoginta mil-
 lia personarum, de facto bapti-
 zârint, quinquaginta & ampliùs
 Ecclesias & Conventus fundâ-
 rint : *ultra quingentos mille Indos*, in
 illis & adjacentibus Provincijs,
 M^{ti}. V. pacificè subjecerint, quos
 omnes ad sanctam nostram Ca-
 tholicam fidem (*Deo propitio*)
 conversos, assiduè per Cateche-
 sin, ad Baptismum suscipiendum
 disponunt : Apparet tandem,
 quanta sit hæc mutatio dexteræ
 Excelsi, qui tot diaboli manci-
 pia, per humiles servos suos, sua-
 vi suo subdiderit iugo, & per
 vastas illas hætenus inaccessas
 Christicolis terras, ubi solus dæ-
 monum cultus vigebat, modò
 ab

ab omnibus dulcissimum JESU
nomen devotissimè invocetur,
 Laus Dei, & Beatissimæ Virginis Ma-
 riæ, omnibus, loco Salutationis
 mutux, in usu sit. Templâ, Mo-
 nasteria, Cruces, undequaque
 reperiantur. Sit M^{ti} V: summa
 consolatio, non dico quod tan-
 ti & tam præclari Eⁱ thesauri ma-
 teriales suppeditentur (hoc e-
 nim temporale & accessorium
 est) sed quod tanta pars, inæsti-
 mabilis thesauri meritorû, IPSI
 competat; quandoquidem Re-
 giâ suâ munificentia & liberali-
 tate, dicta templâ & Monasteria
 ædificata sint, nobisq; pauper-
 culis servis suis, necessaria suis tem-
 poribus subministrentur. Con-
 fido proinde futurum, quod
 sicut

sicut Zelo & Patrocinio V. M^{ti}s
 Dei regnum extenditur & pro-
 pagatur, ita *Deus*, & in terrenis
 suis Regnis Ipsi prosperitatem
 & pacem, & in cœlesti gloriosis-
 simam coronam concedet.

Regnum QUIVIRA & AIXAOS.

Prodigiorum & mirabilium
 quæ *Deus* per prænominatos
 Patres, in Nationibus *Xu-*
ana, *Japies*, *Xabatoas*, alijsque ad-
 acentibus operabatur, fama et-
 am ad Regnum *Quivira* & *Aixaos*
 30. vel 40. milliaribus inde ver-
 sis Orientem distans, delata est.
 Qua permoti incolæ, suos eis
 legatos destinârunt, nuncian-
 tes, quod quandoquidem simi-
 lis mulier eis prædicabât, & Pa-
 tres

tres advocare monebat, etiam
 ad illos accedere deberent, qua-
 tenus & ipsi debitè instructi sa-
 cro Baptismate imbui possent.
 Promiserunt *Patres*, se ipsis non
 defuturos, priùs tamen ad no-
 strum locum excurrere debere
 tam pro pluribus cooperatori-
 bus, quàm alijs necessarijs ac-
 quirendis. Venerunt itaque ad
 nos, comitantibus recenter mis-
 sis *Legatis*; qui sæpè sæpius ma-
 gnum suum ac suorum, ad susci-
 piendum Baptisma desiderium
 cordiali affectu nobis recensue-
 runt. Spero nostros modò in il-
 lo Regno versari, sanctæquæ
 conversioni illius initium dedit
 se.

Exer-

Exercitia Religiosorum.

Religiosi nostri illis in partibus, ita *Marthæ* obsequiosam vitam instituunt, ut *Mariæ* contemplativam adungere non negligant. *Martham* imitantur, colendo & seminando terram, fabricando domos & casas; quibus paratis, & collectis tot frugibus, alijsque sustentationi humanæ necessarijs, ut ad aliquot menses sufficere possint, advocant Indos circa illas partes incertis sedibus vagantes; quos postea simul ibi commorantes instruunt in doctrina Christiana bonisque moribus; docent legere, scribere, cantare; hoc ita promptè addiscunt, quod plu-

K

res

res tam brevi tempore illic habeamus instructos choros, sive concentus muficos. Docent eos insuper terram colere, sartoriam, futoriam, fabrilem, aliasque artes mæchanicas, vitæ civili necessarias, exercere. &c. His & similibus sollicitè intendunt & invigilant nostri Religiosi, ut paulatim incolæ politicè seu civiliter inter se vivere assuescant. *Mariæ* partibus etiam non defunt; licet enim per functiones supra tactas & similes, plurimùm distrahantur, insuper etiam ad ministratiōi Sacramentorum infirmorum visitatiōi, alijsque charitatis operibus, multū temporis impendant, (habet enim quilibet sibi commissa quatuor
vel

vel quinque oppida aut mansiones) claustralis nihilominus vita non intermittitur; surgunt enim noctu ad matutinū, horas diurnas, uti & sacrum Conventuale, statutis horis celebrant; jejunia (etiam quod *Benedictionis* vocamus) strictè servāt; uti & omnia alia spiritualia exercitia: habent Conventus suos ita mundos, & politè dispositos, ut Sanctuaria potius quàm hominum habitacula esse judices. Hæc & alia taliter *Fratres*, tam apud Indos, quàm Hispanos, commendant, ut tanquàm Angelos ipsos habeant & revereantur.

Ista obiter, pluribus omissis, tangere volui, ut M^{tas} V. aliqualem habeat notitiam qualitatis

Capellanorum fuorum, qui in remotis illis mundi oris, ac principiante Ecclesia, pro *Ipsius* salute assiduas ad *Deum* preces fundunt, aliosque fundere docent & hortantur. Nullus quidem dubito, quin *M^{tas} V.* sanctum illius conversionis opus, tam feliciter suis auspicijs inchoatum, zelosè prosequetur; monere nihilominus audebo, *IPSAM* ad hoc etiam obligari; tam, quia *Sancta Mater Ecclesia* per Bullam *Alexandri VI.* Christi Domini nostri in terris Vicarij, Regna illa suæ adjunxit coronæ: quàm intuitu tantæ singularis beneficij *Dei*, quod immensos illos divitiarum thesauros *M^{ti} V.* manifestari permiserit: ad quorum fruitionem
facile

facile pertinet, si solum operarios illis, erendis necessarios & aptos, eo destinari mandaverit.

Fr. Alphonsus de Benavides.

Magnificate Dominum mecum: & exaltemus nomen ejus in idipsum. Psal. 33.

K 3

Quia

Quia verò hujus tantæ messis
 Operarij ex *Provincia S. Evan-*
gelij successivis temporibus pro-
 dierunt, uti videre est in memo-
 riali *Reverendissimi P. F. Joannis de*
Santander, quo initium datur
 huic Relationi; visum fuit sub-
 nectere Epistolam quandam,
 quam anno 1531. scripsit R.^{mo} P.
 F. Matthiæ Weinsen, Ordinis
 Minorum Generali Commissa-
 rio Cismontano, Admodum *Re-*
verendus P. F. Martinus de Valentia,
 primus Mexicanarum Gentium
 Apostolus, dictæque Provinciae
sancti Evangelij secundum Custos,
 vir sanctissimæ vitæ, multorum-
 que miraculorum, prout de eo
 testantur *Thomas Bozius* in libro
 suo de signis Ecclesiæ, signo 11.
 &

& Thomas à Jesu in Thesauro Sapientiae lib. 2. cap. 6. est que tenoris sequentis.

Reverendissime & dignissime Pater, Frater Martinus de Valentia, Custodiae S. Evangelij Custos, ac ceteri Fratres Ordinis Minorum Regularis observantiae, in Nova nunc Hispania existentes, filij & subditi, Reverendissimae Paternitatis Vestrae, fidelem ei obedientiam praestamus. ejusque manus osculamur. Nos, quidem in ultimis versamur Orbis partibus, in India, in Asia majori, ubi Christi Evangelium à filiis primùm vestris annunciatum est, & in aridis virgultis producere fidem coepit. Salvatoris enim gratia inebrians torrentes, vino amoris sui, hoc

est Evangelij Concionatores, in stillicidijs vere horum suorum plantas suas multiplicavit. Ut enim verum dicamus, nec hyperbole utamur, plus quàm decies centum millia Indorum, à filijs vestris baptizata sunt. Quilibet enim illorum duodecim, præsertim, qui mecum à Reverendissimo Domino Cardinale S. Crucis, & Patre nostro F. Francisco de Angelis, Ministro Generali, missi sunt, plus quàm centum millia baptizârunt. Qui quidem omnes præter unum me, Indorum idioma, vel ut verius dicam, diversissima eorum idiomata, didicerunt; ipsq; & concionantur & mysteria fidei nostræ, innumerabilibus illis gentibus, enarrant. Inter ipsos Indos, Nobiliorum & ditiorum liberi, magnam nobis spiritualis ipsorum salutis spem præbent. Hi enim à Religio-

sis

sis nostris in vita & sanctitate morum
 nutriuntur nostris in Conventibus: 20. e-
 nim jam habemus constructos, constru-
 unturq̃ indies alij, singulari in ejusmodi
 opera Indorum propensione. In domibus,
 quas ipsi juxta Conventus nostros fabri-
 cant, in nonnullis quidem 500. in alijs plu-
 res, in alijs non multò pauciores habe-
 mus, qui jam sunt in Christiana doctri-
 na instructi. Liberi verò & parentibus
 privatim concionantur, & publicè è sug-
 gestu, mirabiliter: multiq̃ eorum aliorum
 puerorum Magistri sunt. Cantant quo-
 tidie magnâ cum devotione & solemni-
 tate Domine nostræ preces & Missam:
 noctuq̃ in templis suis, eo modo quo Mo-
 nachi facere consueverunt, ad matuti-
 nas preces recitandas, surgunt. Firmis-
 simâ memoriâ pollent, perspicacibusq̃ in-
 genijs: simplices illi & sine ulla callidi-

tate: pacis amantes; neque ulla inter eos
 unquam contentio est: placide & demis-
 sis oculis loquuntur. Fœminæ honestissi-
 mæ sunt, suapteque naturâ muliebri pudore
 conspicuæ. Eorum confessiones, mulie-
 rum maxime, incomparabilis puritatis
 & inauditæ cujusdã perspicuitatis sunt.
 Sanctissimum Eucharistiæ Sacramentũ
 multis lacrymis suscipiunt: Religiosos ma-
 gnificiunt, Nostros præsertim, quod
 eò primi venerint, & Dei gratia,
 bona morum exempla præstaurant. Qua-
 re & his privatim, plus quàm cæteris
 obediunt, & ab his jejunia, cæteraque pœ-
 nitentiæ exercitia, accipiunt. Proficiunt
 mirifice in Christiana doctrina, val-
 deque Catholicæ nostræ fidei rebus dediti
 notantur, easque celerius quàm Hispano-
 rum filij, apprehendunt, ad gloriam &
 honorem Domini Dei nostri, qui be-
 nedi-

*nedictus sit in sæcula sæculorum, Amen.
Ex nostro Conventu Tlalmanalci ju-
xta magnam Mexici civitatem, ex
Custodiâ S. Evangelij, die 12. Junij,
Anni 1531.*

Ex hac Epistola liquidò con-
stat, quales fuerint Fratres hu-
jus novissimæ vineæ cultores :
quàm verè etiam dixerim in Præ-
fatione, quòd Fratres Minores
plerumque in conversionibus
infidelium (præsertim Indicis)
fuerunt, *si non soli ; saltem primi*,
licet ipso Ordine tacente, forsan
ex humilitate, (an laudabili, alijs
judicent) in notitiam hominum
ut plurimum veniant ultimi.
Qualis verò fuerit ille Pater Mar-
tinus de Valentia, per compen-
dium

dium haberi potest, ex ejus encomijs, quæ Elegiacò carmine descripta extant, suntque sequentia :

TE, decus, alma (*Valens Martine*) *Valentia*
mundos

*Misit adire novos. & sata ferre Dei.
Mexica, nil valuit, licet auro, atq; are valeret,
Donec colloquio, docta valere, tuo est;
Nil valuit, contra validum, vis Inda, Valente,
Fortior aprasti Barbara colla jugo.
Invalidos, revalere doces: discere, Pauper:
Francisci loculis ista moneta valet.
Iam pereat mundus cum nummo, & gloria
mundi,
Ut valeat valido tantus in orbe valor.*

A L I U D.

Quàm validus valor hic! valet illa *Valentia*
valdè,
Quâ valuit, validans Indica Regna
valens.

*At quantum valeat, fari num lingua valebit?
Quæ valeat chartis prodere penna decus?
Tinxit*

*Tinxit aquis Indum, redivivum è funere; longè
 Eminus edixit, Fata futura sua.
 Traxit Amore sui, tot millia, totq, phalanges,
 Quot Magnes acuum millia nulla potest.
 Pacificare potens: Animos componere dulcis:
 Conciliare celer: & reparare prius.
 Pauperiem vivus tanto conduxerat astu,
 Ut moriens Tumbæ nollet habere locum.
 Sed lacer, antiquo conclusus in assere: pompam
 Instantem strepitu, terruit esse propè.
 Pracavitq, Deus, fieret ne posterus illi
 Fastus, & (ut Moyse) membra sepulta tulit.
 Occuluit Gazam terre, disparuit Indis,
 Faustior ut Soli, pareat illa Deo.*

A L I U D.

Vivebat raptus Christo, confixus amanti,
 Vixit in hoc Christus: Non erat hoc,
 quod erat.
 Non erat in terris, de Terra, Terrens: ipse
 Mente precans, sursum, nube probabat iter.
 Talibus emeruit Magnos virtutibus Orbes.
 Mexica quàm felix Vate Valente vales!

De

De hujus sancti viri vita, morte, miraculis, fusè scribit Pater Marianus in suo *Francisco redivivo*, Chronicorum libro 1. cap. 23. & sequentibus, illum cupidus Lector consulat, si placet.

Laudate Dominum in Sanctis ejus.
Psal. 150.

FINIS.

ERRATA.

Fol. 59. lin. 14. Religio, lege Regio.

Fol. 69. lin. 19. hæc Nationes, lege hæ Nationes.

Fol. 82. lin. 16. uberet fructus, lege uberes fructus.


Fol. 124. lin. 6. erit hæc imago, lege erat hæc imago.


Johannis Gualtheri Sacerdotis
 et Regularis Ordinis Praedicatorum
 Sanctae Theologiae Professoris
 in Universitate Studii Parisiensis
 Praefatus est

In Nomine Domini Amen
 Praefatus est

FINIS

In Nomine Domini Amen
 Praefatus est
 In Nomine Domini Amen
 Praefatus est





BA634 c
B456r9



